

墨餘

毛祥麟著

錄

上

進步書局校印



墨餘錄提要

墨餘錄清毛君祥麟所著毛君幼而向學經史子集外稗
編野乘無不博觀徧覽逮宦遊疎里適遭洪楊之劫接時
感事目擊心傷乃以身之所歷耳之所聞筆而成此太平
垂成之敗因治中興之烈李文忠平蘇之戰績小金子亂
漉之淵源言之如數家珍他如柏俊一案為清代科場大
獄原原本本論斷不從阿筆孀妹奇遇雖本過墟錄而敘
述處妙有剪裁其餘鄉邦文獻滄漬佚聞麋不羅輯甄錄
即論處論醫本其素長尤多獨到之言同時齊氏有見聞
隨筆之刊雅俗蓋相去霄壤矣

自序

余少承庭訓成童就傅即知向學自經史書前賢詩文等集外諸如虞初所掌稗編散紀亦嘗弄篋助觀摩繼因善病多閒斷弗克竟業然自輟業以至於今又未嘗一日不觀書今且垂垂老矣竊維古有三不朽言與功德並稱我人生當盛世上之既未克志道據德分聖賢之席次亦不著名朝籍為國家建非常之功幸曾讀書解文義異於土木形骸而仍不克以言自見將所謂生無益於時歿無聞於後者有志之士宜何如感奮也雖然裁衣者必相體行遠者必計程言獨可以漫見哉是故訓纂之言經生事也非所學志傳之言史臣筆也非所職古文品高慮難企及詞令體纖報於俯就若夫詩以言志賦列九能私心固嘗好之而又恐風雲月露譏切通人即不然而稽古作家林立豈遽許列附庸下此令甲所垂則惟志科名者或有取焉以僕散材實不暇及且世之攻此者亦多矣乃竭其精能適供覆瓿燒薪之用也抑何憊也然則即以言論亦必審夫力之所及與夫分之所宜然後坦然出之而庶可無歎今夫小說九百昉自西京其製通雅俗互莊諧雖於藝文無當而自典章法度迄於動植飛潛曲狀幽陰旁通術藝諸凡人事之短長世變之大小無不載亦無不宜其或筆削奸諛發揮忠節言情紀事秩然有經蓋淺之而僅為說部者深之又具有史裁因嘗自審余

苟欲以言見斯誠心好而願學焉憶昔宦游越中未幾以疾歸繼又時方多故仕志漸反而
我滬自道光壬寅後越歲豐之癸丑暨庚申辛酉屢經兵燹故余亦數遷其家船唇馬足耗
盡壯心近雖復覩昇平而歲華已邁志趣愈恬惟當晝長飯飽絃詩讀書之餘若無所事因
輒就未乾之硯掇舊聞徵近事俛辭異說匪意橫發叢篇腥膻隨變雜施積久成編釐為一
十六卷以其餘墨所成即曰墨餘錄生是滬人宜多滬事頻罹寇亂因屢言之至凡殊俗奇
製之登亦以海舶所湊聞見較多且審故得彙為家言初哂塊然衰翁無聊閒話惟於豆棚
瓜架間新野老之聽焉耳豈遽擬以問世然而情之所寄散帙亦珍矧當茲文治光昭譬若
鳳翔千仞鶴唳九皋既各出其和聲逸響鳴盛一時矣而下及候蟲時鳥亦復自為鳴躍可
己不已者夫非為化機元氣所鼓動於天而弗及知乎是錄之成殆無以異則固不必計其
鳴之善否而始出矣將開錄我友兩蒼朱君又以書來勸錄其略曰文至司馬子長韓退之
柳子厚蘇子瞻至矣遷史粉澤大猷而書封禪傳倉公又未嘗不元黃稗說若韓柳之巧者
梓人毛穎傳捕蛇說等或有所寄託或出以遊戲要皆不拘常格而東坡志林尤挂人口此
正如風行水上自然成文君之餘墨實與相近我將使剗氏剛氏來竟其事幸無卑紀事者
必衷於是亦無小善讀者能見其大云余既得書意愈決遂以其副受手民不特取便於有

道之正也亦以見區區之心初不願與草木同腐則雖稗編散記無足觀摩將共為覆瓿燒
薪之用而志猶可取博雅君子或終憫其愚而有以諒之歟

同治庚午仲春上海對小毛祥麟自識

對山書屋墨餘錄卷一目錄

孀妹殊遇

九老會

華十五傳

兔異

亞美利加小鳥

田史傳

星墮地震

籤驗

聖治丸方論

褚復生

測字奇驗

夢應

雪兒

燈市

拐兒挖目

乩仙受欺

尊稱

醒睡先生

席某返魂

石埭

奚行鎮

好奇售偽

順天戊午科場案

還山圖

海濱問字圖記

鷹武將軍

對山書屋墨餘錄卷一目錄終

墨餘錄卷一

對山書屋原著

孀妹遇

明末廬山劉氏世業儒家雖落名相也兄弟守田廬伯曰春廬邑諸生品行修飾仲曰肇周則狡黠嗜利不務恒業有妹曰三秀慧而艷生時母夢警氣繞室醒有異香六歲母死父教之讀過目輒了了捉筆作楷秀遠獨絕時里有黃亮功者居任陽之大橋素雄於財亮更善居奇崇禎間吳中水旱頻仍物價騰貴藉之囤盈糶虛家益富亮貌溫厚而中多機詐善鉅萬即縮常若寒士年逾二十始議娶婦則喪夫而挾重資在父曰甚也里多誦婚者何必是亮曰我以車往彼以賄遠甚何害遂娶焉婦姓陳善操持勤紡織相夫二十年其業因之愈熾亮素聞三秀之美適陳病瘞死乃挽郁某為媒曰果字我聘儀惟命冰上人亦當厚報耳郁乃商之劉仲仲曰吾兄素迂闊事必不諧若能以二百金為聘四十金酬我我當曲為成之亮如命仲遂來問言於伯曰妹年十四矣凡求婚者卜咸不合意良緣或自有在頃郁某來云大橋黃氏擁資百萬宅第連雲婢僕數十輩現以喪偶乏內助欲為我妹議姻弟思此事得成妹終身可以無慮伯默然頃之仲復言曰事固有不可執者憶我母猶留時執妹

手願父及我兄弟言曰。此女吾所愛。他日務嫁家之裕於我者。無與寒士。酸秀才能有幾人。自奮為妻。擊福者。但願其安享朝夕。不至碌碌井臼旁。我目瞑矣。其言猶歷歷在耳。若今黃氏之富。羅綺盈箱。倉庾如櫛。母若在。必諾無疑矣。伯頓作色曰。汝何言。我家雖貧。固儒也。豈貪富厚。而以妹為賈人妻者。且彼之先。陳氏奴也。本姓王。以背主而易為黃。居崑之石浦。乃祖名元甫。復歸虞家塘市。元母為某宦乳媪。宦有田三千畝。在廬。以媪故。妻元課租。元自正搞外。復蝕其十之三。詭言農欠。積久而成小康。乃父洪尤凶暴。嘗悅一佃女。乃假佃以金。初不責償。越三年。權之。遂攫其女為妻。不久愛他。將轉鬻女。聞而縊時。某宦已死。子弟皆紈袴。不問生產。田皆分裂。授他姓。洪欺宦無主。吞匿其半。自是大營宅地。居然為鄉里富人。然里之衣冠士。未嘗與之接也。今亮之為人。固稍斂跡。然計升斗。權子母。剝園利。亦足稱黃之肖子。且妹年十四。彼已四十餘年。說不相若。門戶又不相當。何可婚乎。仲知言不能入。事遂寤。無何。伯暮遊山左。至維揚。見婚嫁者。絡繹詢其故。緣訛傳朝命。有中使至江浙。採民女。以充掖庭耳。乃寄書於仲曰。此信至吳。亦必驚揚。然是訛言。萬不可信。悞妹終身事。仲得書喜。曰。四十金入我囊矣。因招郁曰。前議可成。然宜速為擇吉。遂覆書於伯曰。兄書未至。事已備。傳通國。不擇人而婚嫁者。不下數百家。司里恐臨期不克應命。預藉烟戶。欲將妹之年貌登。

冊不得已。仍諾黃請矣。然此番作合，非由人謀，幸勿以為弟罪。伯得書，撫膺頓足，復作書讓仲書未至而婚已成。婚之夕，亮忽患眩暈，草草成禮。廟見時，木主無故倒地，家人咸疑不祥。適平生一女，劉愛之甚，曰：此我掌上珍也。因名珍。珍時有熊耳山人者，善推五行，言多奇中。適游廬山，劉延至家，使推珍命。山人曰：是命能富貴其夫，一生無蹇運。劉喜，乃以己遣令推山人。沉吟久之，拍案大叫曰：安所得是命而給我哉？女子坐台垣，有執跛王家氣象。鄉林婦安得有是？問命中有子否？曰：有二。且生而即貴，已而推亮則搖首曰：此如病肺人，馨香滋味，羅列滿前，而欲喫不得，縱使腰纏十萬，亦難享用一錢也。問何時得子？又搖首曰：命中無子，爾時舉座闕然，咸笑其妄。然劉以星家言，每為酬酢，慮有張媪者，為劉乳媪，寡而無子，依於劉。劉嘗私與語曰：癡老年半百，只一女，猶兀兀然朝夕持羹握算，竟不思身後倚託者為誰也。將若何？媪曰：俗有先取他姓子，養為己兆而引之者，往往如所願。蓋試之，劉點首。時劉伯兄有子三，季曰金印，始受讀，溫文俊雅。劉愛之，欲撫為義子，乃言於亮亮以劉不誠心，細平時為亮善畫，無不中，久已奉若神明。劉即庸奴其夫，亦不敢違顏色。因曰：諾。乃治饌，邀二劉。時伯歸里已五六年矣，而未嘗一至。黃所劉恐其固却也，私遣張媪致書，大略言妹非私奔，既歸此家，前事宜姑含忍。兄妹之倫，義不可絕。今謹薄具杯酌，為戚里一申款洽。念兄意滿。

妹來則愈有光。不然則是張其賤也。妹亦置。願無地矣。伯見書。不得已。乃偕仲往。始與亮相見。宴畢。入辭。劉謂伯曰。珍將就學。苦無伴。金哥來。此依我。與珍同塾可乎。伯曰。嬰孩不能離母。且徐之。仲聞。遽曰。我家七舍可來也。劉未應。而仲即於次日。攜子往。初劉之為亮謀也。以伯品誼為鄉里所重。欲故藉以修好。即為後日門戶地。仲則其素所心鄙者。其子亦凡。猥不足數。而亮見伯落落難合。不如仲之易籠絡。因反慫恿之。遂留為七。性暴戾。比長而橫益甚。嘗戲珍。珍怒。白於劉。劉捷之。遂宿之外舍。食亦不令同席。任其去來。七乃日逐羣惡少。游虎而翼矣。無何。劉字珍於直塘錢氏。錢藉妻來。徙於虞。翁年五十餘。僅一子。美秀。而文嘗侍其母。出觀競渡。鄰舫則劉與珍也。兩家通問。知里居近接。乃各過船。款語甚洽。錢母歸語翁曰。黃氏婦固情麗。其女則尤嫻雅淑婉也。翁遂請婚。劉亦以親見故。遂許焉。七忽怒。詈曰。父曾囑我勿游蕩。姑將以珍字我也。故撫我。今乃背約別字。將為置我。劉聞怒甚。遣仲呼七而痛咎之。且詰以珍字汝何據。七無以應。因謂仲曰。七弟欲我娶婦耳。然直言亦何害。乃敢以橫語突激哉。爰以百金為七婚娶。復置莊房一所令居。且以己之奩田三十畝畀之。曰。劉座仍歸劉氏。願汝守之。若蕩廢。無入我門矣。七好博。未通平。而田屋盡售。妻無所依。自溺死。仲亦恚其無賴也。屏弗子。七遂寄身博場。錢生則游婁岸。出贅於黃。劉愛珍及塔。一應衣服之需。

盤飧之奉。倍極豐美。既備月。生奉父命告歸。謀舉業。劉慰留不獲。始飲餞焉。時七為敗類。苦
饑寒。常仰給於劉。一日適遇珍。七曰。珍姊。向問爾幾時招婿。輒怒罵。前日衣藍衫冠方巾者
誰耶。珍不答。又曰。姊夫歸矣。姊寂寞否。珍怒。遂入。及晚。珍於寢所覺有異。急出呼父。曰。房中
似有賊。亮率僕婦持炬入。搜至床下。得一足痛擊之。賊大驚視之。七也。劉忿極。以剪糊其股
流血盈地。縛而閉之室。厥明。仲聞而至。欲投之河。劉不可。令仲錮於家。甫一日。仲妻復陰脫
之。自是七遂欲甘心於黃矣。黃年及周甲。而者利益甚。催租索逋。事必親慮。碌碌城鄉。日無
刻暇。一日晨起。持簿書。將至劉寢。忽撲地。家人急扶至寢處。日未中而氣絕矣。亮死。劉痛哭
成禮。既殮。七自外至。突入。總帳。憑棺呼爹。為號泣狀。訖而呼劉曰。娘取新衣來。劉曰。死者無
子。安用衰。七曰。我因子也。劉厲聲曰。汝自姓劉。與黃何涉。七曰。幼而撫我。長而室我。因疇昇
我。雖非親生。亦是義子。今黃乏嗣。塔外人能獨享此乎。劉曰。汝今何欲。七大言欲分遺產。劉
怒甚。令僕婦之有力者縛諸庭。自取白杆痛擊數十。曰。此我分汝之資也。七初出惡言。繼以
不勝楚。號呼求免。遂釋之。七出。且走且誓曰。必有以報劉乃其童僕。人給鉞一具。戒以每日
晚。即持此分布四野。伺有所聞。當即相應。無何。果有盜自唐而下。劉急令媼啟小門。於宅後
鳴鉞。四處鉦聲齊起。盜遂驚。速家人咸相慶。劉曰。未也。乃更坎室之行。道為阱。穴壁數處。中

貯石灰末而承以風車。數日後復有盜數十賊。身崖後之水門。夜將半。各明火執仗。衝新門而入。將及內寢。前導者遇坎即墮。餘盜如有備。方倉皇間。壁穴中灰末驟飛。盡昧賊目。乃各棄械竄。燭之。落幽者七也。跌足散髮。皂衣黑面。形同鬼魅。劉曰。我固知此數所為。候天明當鳴之官。珍曰。鳴官恐傷舅氏心。不若縱之。劉乃驅使出。自是里中無七之跡矣。劉連被驚擾。心常恐。因謂珍曰。盜猶可禦。縱火奈何。我當先安死者。即彝亮於泖湖之祖塋。事竣謂婿曰。此不可居。我將依汝。於是先舉什器。運至直塘。遣珍歸。以一冊付之。曰。除汝房中物。餘俱在此。冊囊米二百餘斛。每貯銀二錠。須親檢收。大小衣箱六十有四。各有銀若干。櫃三十七。或貯銀。或貯錢。皆有號可稽。汝先發。我將踵至也。乃僱工百人。連運數日。既畢。劉復徧召鄉里貧戶。飲以酒肉。盡焚其積年債券。且開倉廩。人給米二斗。麥半之。棉花五觔。菽五升。眾羅拜曰。夫人施恩。徧及我等。將何以報。劉曰。報何故言。第有積粟二千餘石。諸君能為我運至直塘否。眾曰。唯命。時值歲饑。鄉間富室囤穀。每為貧民攘奪。劉反得而用之。不三日而運已盡。時劉本欲即赴直塘。視歷連日不宜遽往。三日後乃吉。越二日夜。將半而難作矣。先是明總戎李成棟。既降滿清。統兵南下。過柘。殘破所擄婦女十餘艘。為嘉定鄉民所焚。死與逸各半。成棟責兵弁。務掠吳妹。以償所失。旋奉命征粵。乃囑其弟侍母居松江。令麾下某統兵守之。某

有汎卒七黨也。當七受杖而逃。即走松投卒。得近某將。因言任陽黃氏嘗黨逆家。私于蕪虎
嶺鄉里。得數百人。劉之。既除民害。且實軍餉。某乃令裨將辛泉由劉河經崑山。至七浦塘。而
進。是晚。劉方與張媪封樓房。處細事。待旦而發。忽聞門外炮聲轟轟。響震屋瓦。李兵破扉而
入。啟廳。廳空。搜房。房洗徧。索無一物。裨將志甚。俄見衆擁劉至。注視久之。曰。植有此。不然。何
以復主帥。衆以勞而無獲。怒之。誑。即殺七。縱火燒黃居。掠近村數十家。遂擄劉去。張媪從
焉。珍聞變。驚絕。終日長號。錢翁令子赴松探耗。逢次。即聞成棟以粵東叛降。水恩親屬被收。
所掠婦女。悉於南京安置。生遂違劉。偕往江甯。竟至一都統署。見有遵奉令條。凡逆棟所
擄婦女。俱準親人具領。錢喜甚。方欲投訴。適有武弁自內出。錢揖而告之。故弁曰。我本以吳
人投旂。與汝豈無鄉誼。乃攜錢手至靜處。語之曰。王爺固有是令。但司其事者。為黑都統。
非阿堵物。不可。錢問所欲。則曰。視年貌。以定多寡。美而少者。必需百金。錢以所持不足。遂偕
仲歸。珍曰。誠得我母。金何足惜。遂以千金。促生復往。錢至。即覓所識弁。且許事成後。另酬五
十金。弁以諸婦女。係掌家婆。二太所管。每百兩。例予十金。曰。可。弁即取劉之年貌。藉貫。去。久
之。出謂錢曰。無其人也。錢皇遽曰。余已訪確。何乃無之。弁曰。我亦欲得金。爾豈給爾者。適據
二太言。三百餘人中。備詢竟無有。得無誤耶。仲曰。事已至此。果否。乞查一確據。當有以報弁。

躊躇間曰得之矣疾趨入有頃袖一冊至謂二人曰此確據也錢聞至未直果有黃劉氏及從媪張氏而殊圍樓其上傍註進入王府如是者共有四名弁曰如何我不爾誰錢神呆僅立仲亦無如何也嗒然返廬擬善別策乃不數日而劉書至初劉被擄至松李母見而悅之曰此必官家女姑以母事我行將送汝還也未幾成棟叛家屬皆檻送京師一應婢僕悉置南京俱聽本所發遣劉亦墨名籍中為黑都統承管婦女三百餘初至江甯席棚露宿幾不欲生越日而滿洲太太至蓋王府中總管老嫗也年已七十餘髮白如雪髻簪花朵衣履皆男子式善漢語滑稽多智至則都統以下皆跪迎之掌家婆二太上前叩首恭引至棚嫗先作漢語曰諸姊妹無恐我來作伴福符官耳持不知誰真有福者乃側身入隊擇當意者拽裙使行令至別所排列共三十餘人嫗上下睨視指曰彼太長此略短甲似肥乙較瘦乃去其半令留者至前諦視髮膚掌骨腹隔衣捫其乳十又去七僅存其五乃列坐待茶殷勤問訊審其音而耳屬焉一婦聲微竊復去之旋起立語四婦曰無動我欲一觀履式因以指量其履戲語曰無乃唐突然不爾則不見真才耳徐向一婦微笑曰塞楞塞楞塞楞者滿語蓋言最好其婦即劉是也因顧二太作滿語曰雅海沁兀律罕言梁婢令隨去可也俄擁四婦登輿進王府劉持張媪痛哭曰入此萬無見珍時我亦命不久矣至暮王宴命四婦侍酒滿

姬戒之曰。至王前。宜各叩首俯伏。命起乃起。慎毋哭泣。致王怒也。已而三婦如所言。劉獨倚左柱。向壁側立。而額光煜煜。時與燈燭光相射。目眇暈微紅。如曉花含露。王見甚異。問何藉。不應。問年幾。何。又不應。問有夫否。劉忽大慟。曰。我民間寡婦。為李兵所擄。以德總於一女。故不遽死。今至此已矣。蓋速我我良家女。決不肯為奴婢。聲嗷嗷如鳩鶩。轉樹俄以首觸柱。磔然有聲。滿姬抱持之。劉且俯且號。髮盡解。髮長委地。光黑如漆。王憐之。命姬引去。囑善護持。勿令悲損。姬遂引劉入己寢。以安之。朝夕進食。飲康粥。糖霜果品。滿几案。劉勺粒不入口。坐卧惟泣。張媼憂之。私語滿姬曰。劉之悲毀。痛念其女耳。前在松江。傳聞李兵復獲直塘一帶。及今三旬無耗。若得通一音。以慰其念。飲食或可少進也。滿姬為啟於王。王曰。速令作書。當命疾足往探耳。姬告劉。劉乃修書寄珍。首言我生不辰。疊罹險難。河干一送。豈意竟為長別。中言七獸肆毒。嗷嘯往松方李。李母仁慈。生還有日。不料異名春藉。忽又送入掖庭。所以不即死者。誠欲得汝一音。以瞑我目。又云直塘一帶。是否亦遭焚擄。或七獸未遠。所欲致汝家為破巢之卵。亦未可知。我書得達。急盼歸鴻。末言楚楚。現已密製衣。滯身自守。倘罹橫暴。願投清風之塵。汝尚自愛。弗我念云。珍接書。且讀且泣。方與錢生議覆。而劉仲適至。反復閱書。作吐嗟狀。謂珍曰。汝母亦太痴矣。王非他。乃入關時。從龍第一功臣也。下江

甯降宏光平兩浙。以懿親典樞務。功高威重。但得為玉婢。亦足安樂半生。何必峻拂其意。回書宜勸其遇事婉從。設使激發雷霆。恐我與若俱無。唯耳。珍覆書。始慰以無恙。後云。生兒亦生。母死兒亦死。情殊依戀。而恰與淑勸語。仲乃私致書。或言王功蓋寰宇。得侍為幸。又云。妹固女中智士。小諒宜所不為。則釋昔年熊耳山人之言。或者事有前定。未則告以房燬無歸。婿家究是外人。難以倚託。不如自持根柢。使余等亦叨庇蔭。乃於書尾署伯名而已。附之。先是劉知玉為發書。心頗感之。已日進術慶。及回書至。知珍無恙。色為之喜。耀閣兩兄書。沉吟久之。忽悟曰。此非伯兄言。乃對二所為耳。蓋四十金未滿。渠願以故。又欲賣我乎。趣張媼火之。無何。王妃忽刺氏薨。京邸訃至。設位中堂。按滿清制。本祈婦女。窈下者。例合哭臨。在外則穿素而已。滿媼語媼。以告對。對曰。業嘆此間。飯曷敢不遵大典。乃編衣練裙而出。王適遇之於中。審淡冶若仙。矚目時光。恰兩射。王曰。此非觸柱求死者乎。何亦雅素。乃爾。因語滿媼。以對骨相不凡。當善視。無與羣婢為伍。自是滿媼侍劉愈謹。啟事輒跪。木幾。王賜劉滿漢衣履各一箱。越日。又賜篋十。東珠百顆。劉若奉聞。旋又賜首飾一篋。宮扇二柄。荷包帕各四件。金銀錠各一盤。滿媼跪告。此皆王爺所賜。意良重。又曰。王賜宜叩謝。對惟俯臥。俱置不省。是夜。王命劉侍寢。劉乃大號曰。果也將婢妾我也。我難婦耳。生長良家。豈有罪而輸為

城旦者任彼朝朝暮暮耶。王問卽已滿姬誅討之。私謂張媼曰。劉自入府以來。王待之者。恩禮亦已備至。無論饋食沃盥等事。俱不令值。且又賞給稠疊。實為非常異數。王尚與子。今忽刺氏。堯羣婢中亦無寵幸者。而獨注意於劉。此大福將至時也。乃劉尚有不豫色者。何哉。媼曰。對此何抗。居家喜南面坐。諸婢僕屏息聽指揮。惟謹。今一旦欲其卑躬屈膝。辱克下。陳宜其甯死。不贖也。滿姬微會意。來間語王。王遂以金鳳花冠一品命服為賜。既宣命。張媼低語劉。王今尊禮至此。宜若順從。時劉雖仍不言。而手受冠服。顏色甚和。滿姬從屏隙中窺。知其隱。卽宣言朝廷定例。凡正室不。孕而側室有子者。奉間後。卽冊立為妃。今服止一品。夫人耳。或尚有責於此者。至夜。王以御賜金蓮熾炬。導劉入寢。劉顧媼。謂獨忘拜謝天恩乎。王卽命移炬中堂。王中立。劉立其後。之左。偏齊行。九叩禮。至寢。劉徐卽冠。易補服。向玉三拜。三叩起。王見其知大體。有淑媚風。喜極。幾無復平。時威重。是夕。劉侍寢。次日。王賞滿姬錢六十緡。媼率閭府男婦三百餘。叩賀。對劉出白金四百兩。酌搞之。眾皆感悅。有貂璫二。陳某劉某。係故明宦者。年皆七十餘矣。王以二監給劉。聽使令。劉乃作書。飭令賈赴廬山。以慰珍曰。汝母受王恩禮。此身已不及自持矣。持念汝父生前。初無一語忤我。以故覆水之勢。雖成。而故劍之恩。彌切。今為之計。莫如訪立本宗。授以羊產。繼宗祧。而歸血食。既盡生者之心。卽安死者之

體善體我意是誠望汝來監乃先朝內臣同日歸旂者須加禮款使知汝非寒儉家兒也東珠十顆可為甥孫帽飾京樣手鐲一副俾汝佩之如見我耳書發二監未至錢生先借劉氏伯仲赴江甯探信適王以斤西民叛奉旨往撫三人得徑入王府劉見之涕泣不能發聲得劉仲慰勸始漸破涕為歡既而滿姬奉茶至皆跪進稱舅爺姑爺時劉伯猶未知改節事見妹盛飾華服及頤指氣使處心甚疑之私以問仲仲曰妹已處於王宮又何疑伯大恚作書絕妹拂衣竟歸仲閱書笑曰腐儒語耳何可令妹見逐火之既而錢將告歸劉私語之曰我欲玉成汝名汝入京姑勿見我且我行踪南北亦尚未定為語珍探的後音書頻寄可也錢遂歸仲獨盤桓府中結劉監為宗人共處值房未幾王自浙歸仲上謁得司府中出納冊俄王內召還京途次濟甯而劉病氣逆登輿輒嘔王檄中丞召醫診視或言濕阻或云水土不服各擬方進奉劉聞未畢即碎而謾罵以汪未解吳俗語乃強起擁被坐牽玉袖於卧所附耳曰我病岨身羸奴皆用利爭之劑豈欲以之殺我耶王聞大喜越數日劉體果安乃就道抵京陛見回奏一二軍國事後上問王年已四十何尚無子對曰臣在江南納本旂婦劉現有身上喜曰男也則亟告宗人府以冊未幾劉果生男上聞賜人侵果品等物太后復賜洗兒錢百萬例冊劉氏為某王妃適遇皇太后萬壽劉遵例統率福晉等

福晉鎮國奉國將軍妾皆大金入宮

慶賀。太后見劉問曰：聞某王妻美，此其是乎？又問年幾何矣？劉以三十有五對。太后曰：如二十許人耳。更問何籍？及送身始末。劉以實對。曰：不意民間乃有此婦。翌日，又賜錦緞百疋，糖果八盒，黃金四十錠，玉帶一圍。時朝廷折開科舉，命王藍閣國學錄科試牘。劉得徧視諸卷，則其婿錢生與馬錢以拔萃生入京肄業，因違劉誡不入見。劉乃語王曰：頃見諸生錄科卷內有錢姓名沈莖者，我婿也。王不語。及榜發，而錢已以經魁獲。明年復成進士，選部曹。始因公詣王弟王即延入中堂，令劉出見。劉服黃錦袍，垂紫貂皮銀鼠帽，首珠羅翠，魁兒靴，欵少喜形於色。謂錢曰：我思珍久，近已為之置宅一區。汝歸可速挈眷來，仲兄現患消渴，恐不測。汝當偕之還錢，遂偕行。半塗，仲兄獲柳歸，即携珍至。鄰劉年四十，復生一子，嘗為漢裝。安車，蓋女從百餘。遇珍，歡宴。一日，謂錢曰：我昨夢處故居，簿書文卷積几案，宛如黃氏盛時，覺而戚然。我前以立後囑汝，今得之否？錢曰：黃自塘市，遷任陽之大橋。三世單傳，別無支派。其先自虞而崑，復自崑而虞，系皆無考。故雖徧訪，以示求後意，竟無應者。劉聞，悵然。姑出金錢，遣紀綱赴湖，為黃修墓道，且擬置田供歲祀。至則墓木已刊，四望平曠，野水黃北。域無由別識。蓋兵燹之餘，已毀其墓。為河道矣。僕乃封土三坏，藉以覆命。時珍已舉三子，劉囑以次錫嗣黃。俟其長成，即於遺址營第，奉黃祀。珍諾之。乃不二年，而錢次子死，更命其季。

季父錫黃。遂無嗣。對後安富尊榮。又二十年。亮時歲己酉。甲康熙癸丑。張媪以年老南歸。為述其顛末如此。量余客金閩。嘗於殘書鋪中。得是事稿本。前後百紙。草率多謬。標面曰過墟志。感首篇。即載任陽事。後半類日紀。而無撰人名。近閱紀載重篇。如曾采輯。則直目為過墟志。并有暨西遠史序。然係琉璃廠排板。制以牟利者。僅賞新奇。一過即已。故其篇雖稿本。為約而亦未違。剪裁余以其非見聞所習也。因持芟繁就簡。且別其目為媪姊妹。過其間雖儘有點疵。而無失本真。將廣其傳。後遂錫入是錄云。

兩蒼氏曰。隨事安插。經緯井然。無拉雜掛漏等病。以故頭緒雖繁。叙次恰一絲不亂。一二點染處。復得事外逸神。倏然改觀。與舊本迥殊霄壤。試於香清茶熟時。靜讀一過。如龍聊齋副墨也。

九老會

嘉慶九年八月望。李味莊觀容。是夜招邑中耆老。飲於署之嘉隆堂。座首為凌鶴輝。年百有四歲。次沈文炳。百三歲。次鄭盈山。百一歲。次全志南。九十一歲。又次陳熙。胡文綱。喬鳳山。陳叙東。桂心堂。俱八十以上。稱為九老。觀察設成筵。殷勤進爵。則皆歡呼暢飲。聲達戶外。日將暮矣。李見諸老興猶未闕。因曰。公等能卜夜半。會曰能。乃遂高燒絳蠟。重倒金樽。殊覺興豪。

於畫堂中時懸文符詔所畫山水軸。後跋百餘字。作蠅頭細楷。主人曰。諸公目力尚能讀畫中字乎。沈曰。請則互相成誦。請各書一絀。錯一字。浮一大白。李公大喜。各授紙筆。內惟凌與冰以不能辭。餘皆摹寫無錯。觀察深為嘆賞。酒罷時漏已三下。而皆無恙。客是會也。同邑得百壽者三。俱雙髻無衰狀。真一時盛事。凌翁家與余鄰近。聞之。先君子云。翁身短微髯。年逾百歲。貌若五十許。步履飲啖如少時。嘗於浴肆遇一人。鬚髮皓然。出浴時偃僂喘息。翁屢扶掖之。乃謝曰。三代尚齒。吾君猶有古風。然君等壯年。殊不知老來之苦也。翁曰。長者高壽幾何矣。其人曰。七十稱古稀。僕幸及之耳。因亦轉問翁。翁笑而不答。問再三。有告者曰。此即九老之首凌某也。今百五歲矣。其人甚慚。眾各撫掌。翁亦為之莞爾云。

兩蒼氏曰。壽居五福之首。一邑中同時得百壽者三。此真盛事。又聞老人有少意者。壽無量。觀凌翁於浴肆中扶掖長者。儼居弟子之列。則其得壽也固宜。

華十五傳

華十五。皖孝廉也。佚其名。遠於古學。好發奇論。而恃才傲物。詆及前賢。并疵當世之微立者。或以經義叩。則曰。汝輩如螻蟻。具足不出戶庭。乃欲與鴻鶴談雲漢事耶。鄰邑有某生。富於文。意頗自負。而嘗慕孝廉名。以為非華不足與談。所學遠挾生平傑作。而遠馬值華卧方起。

遂既而出。生亟置稿於案。趨前揖之。華矍目四顧。若未之見。頃之。僕進盃茗。而不及。華從容盥沐。旁若無人。洗畢。即以生稿抹其桌。生怒不能忍。曰。某文雖鄙。字不當惜耶。華御稿曰。正嫌其有字耳。若以古紙。勸售人。着水不略重乎。生取稿。恨恨去。其玩世不恭。妄自尊大。有如此。後華遠出鄉里。絕音耗者將十年。會疑已死。一歲。又值開禮闈。榜發。始傳華授南宮。及魁墨出。同學讀其文者。咸詫異曰。此果華十五作耶。索。索。無生氣也。先是華登賢書。聲稱藉甚。有相士見之。曰。此君額有挺骨。稜角太露。雖得文名。異日恐不免凍餒。聞者咸嗤其妄。及華以兀傲之故。愈急其不近人情。親友不相顧問。以致厨斷炊烟。華始惻然。恐應相士言。時有宦越之戚。華擬投之。匆匆就道。不計資糧。程未半。而囊金既盡。并罄衣裝。復值嚴寒。枵腹行村落間。朔風侵骨。兼連雨雪。路滑泥濘。遂陷於淖。良久始剷入一古廟。僵卧神龕下。旋有數丐提筐入。叱曰。此我僑地。汝垂斃者。何卧於此。華不語。即被拽出。棄道旁。適有某翁。過其處。憐而昇歸。飲以溫湯。一日夜始有聲。詢為孝廉。益善視。華因凍血凝結。偏體亦腫。數日。後腫處悉潰成瘡。患三年。病始愈。而叅持健。每餐能盡飯一盂。肉一器。又半年。軀體頓偉。迥異昔年。因拜翁而謝。曰。僕受深恩。無以為報。願授諸郎君業。翁喜。遂館於家。凡五年。始終無間。內而婢僕。咸稱其德。外為鄉人所敬禮。以是翁益重之。迨遇春闈。資以多金。應禮部試。

遂成進士。時華已歷諸艱。平昔英鷲之氣。鏗除殆盡。是故言為心聲。宜其文之平易近人也。未幾。華官縣令。歷任十餘載。所至有惠政。泊歸而宦囊裕矣。親舊來問。華盛衰欷歔。盡解論。又二十年而卒。聞館翁家時。嘗有農工入室。拍華肩曰。先生今飽暖矣。願憶廟中時事否。則肅然起對曰。不敢忘。偶行隴畔。有村童笑指曰。此國廟中馬也。今儼然為某家師矣。華聞亦無愠色云。

兩蒼氏曰。孝廉天分儘高。故能力返前轍。如出兩人。後之成進士。為令長。皆由動心忍性所得。否則以餓殍終矣。余嘗有句云。最甘惟藥石。奇暖是冰霜。在此君似堪書贈。至因恃才傲物。以致親故不前。允可為目空四海者。借作虛箴也。

兗異

咸豐癸丑。春夏間。運河黃河北岸。忽生野兔。千百成羣。初行田野間。繼而走街積市。無處無之。前足略高。其行甚疾。村人捕而剖之。皆無血。違棄不敵食。尤異至冬。忽盡。無一存者。或謂從黃河中來。乃魚所化耳。錄之以俟博物者考定。

亞美利加小鳥

海外亞美利加地。南北有二。皆甚和煦。產小鵲。名翼寶。大者如中國梅花鳥。小則僅若黃蜂。

科雜問以金碧光可鑿人聲細似秋蟲而流轉如鶯常入人家飛過花塢曲欄間或至齋中棲所供瓶花上飲啄自如似春燕者其巢結於樹梢之下羣相孕育當護卵時任人摩娑無驚意卵小如豆巢甚完好穴戶如指僅容一鵲出入是處地廣人稀而此鳥最盛凡花木叢雜處皆集焉今歐羅巴及花旗人多有取其羽毛作婦女首飾余曾於英吉利領事處親見其四卷之玳瑁小籠中紅喙翠毛文采可愛西人因為余言其出處如此

雨蒼氏曰鼠肝蟲臂固是寓言此恰徵諸目擊始知前史所載僅僥九寸有是人宜有是

田史傳

同治乙丑夏友人以南邑雨蒼朱君所撰田史傳一篇示余是傳余雖未之見而嘗得其說於故友周子為軒周與朱居同里同歲游庠而皆寒士歲時相見每道愁苦一日周語朱曰窮愁之况經我兩人筆舌亦已盡矣古稱歡愉之言難工子固多才其能作一既富貴又壽考之文為窮措大作關心符否未艾諾違有斯作周為評點所謂田史字同貝者蓋拆富貴字以言也歲己巳雨蒼以事來滬過余齋諱及是傳云係外編三種之一尚有怡雲吟館詩古文稿合雜俎墨塵等共若干卷遺亂盡失今為沒字碑矣時余適有墨餘

錄之編說愛斯作又歎其善橋之盡亡也爰序其由而代存如左其文雖極寫富貴而抑
塞磊落晉深顛倒賢愚之概此皆不平之氣猶客朝天問於遊戲中寫感喟者也有識者
自能賞之母多贊云

有唐宏農郡王田史字同目漢武安侯蚡之後也祖犖元宗時領千牛衛父時以勇聞安史
亂郭令公召為牙門將以麻角林功應擢蜀川道節度使遂家蜀娶米氏生史生時米夢神
錫異貝千萬故字同目史少不慧雖讀書嘗以富貴我所自有故不終性使棄去然有口辨
作事敏達折秋毫持好游獵馳逐狗馬不少疲有青城山道士過之曰郎君此亦何樂余相
君福甚厚願第數十年富貴耳如願幸凡撒者合得長生術子欲之乎史自以世家子方尚
豪侈數十年富貴何不樂而欲以長生易之子乃不語道士察其意曰使郎君大富貴又登
仙何如史應曰苟如是復何求道士曰然則子自勉之斯已耳遂微笑去是時史年及冠父
以其縱初不喜母夫人持憐之乃與時議欲為史婚夫人故陳倉人也時蜀亦有米氏舊家
本中曰米仁者官龍武軍長史以功拜涇原道監察御史奉冊迎上皇來蜀因亦家焉夫人
言氏無子生女曰珠稱國色米夫人欲之而難其辭因託宗誼時與言往來頗得乃示意仁
固不欲曰是持田舍家兒耳何可配珠女言曰不然田家郎四體敦崇頭角嶄嶄他日任重

致遠當無出其右。倘必欲玉揚盛，駭其人，雖才然自後言之，或非俊物，且彼家既為印度矣，何求全也。仁於是亦首肯。田遂以黃金千鎰聘焉。木中末氏故世貴，積資雄天下，而仁富又甲一族。婚有期，重犒米買四方郡縣器物者，趾相錯，紀綱僕千侍婢百，皆衣文繡，五人為隊，隊間其色，奩贈計萬億，稱龍多，紫檀香栴羅，鏤如鬼工，其妝奩蓋碧玉也。圓以珊瑚，闌雜數百寶，盤盂等物多金玉。及期，史行親迎禮，既真，雁未氏出九華雲，端游仙錦步障，施之如覆道然。直達田所，障間悉瓊珍玩火，喬木難瓊枝，碧樹光采，四溢明珠，瑟瑟懸障，頂如警星，星許間一夜光明，艷又如月飾，沉香筆為花，與笙蕭沸天，燭淚如雨，道撒金錢，結福緣，無數。與過層，蘭香經數月不散。史於斯時如墮雲霧也。史既得木資，益自營運，躬親機象，不數年，陂池田園膏腴，盡買水復得，害金萬萬家，愈饒，無何，母夫人卒，父亦繼薨。史自稱留後，唐自肅宗後，印度多世擅，代宗八年，遂詔史實領蜀川，印度使訪曰：生兒不用識文字，聞難走馬勝書史。田家舍人平未社，富貴榮華，誰復抗。又謠其得婦之盛曰：龍宮嬌女嫁塵世，四海寶珠都輩至。由是中朝責人如元載、王縉、魚朝恩輩，皆願交史。魏博印度田承嗣亦約為兄弟，多藉史通關節者，總遺亦日富。初，史意頗暗，暗自奉既厚，輒妄謂他人當亦爾。每遇親知，道愁苦，漫不着何狀，及擢權，科下不能欺音，游子弟，道出蜀川者，史必盛供帳，玉節舉，饌金，鱗

注香別皆有贈。或多干請。悉與周旋。無吝諾。故舉史者。日形章奏。時國初定。帑藏皆虛。有詔
史輸粟千斛。貢於朝者。遂授史朝散大夫。上柱國。賜紫金魚袋。史表謝。益獻錢百餘萬緡。乃
加史中書令。同三品。兼權蜀道鹽鐵使。知諸權務。東西川租庸大使。先是蜀有碑刻。曰蜀水
清。田氏斬。蜀水濁。田氏熱。及史時。蜀水果濁。而田氏日貴。顯氣蒸。蒸如釜上。此權諸權務。搜
羨餘。日私萬計。宗族賓客。充溢三舍。要皆為史主會計。不能虛糜塵粟。人亦因得主一事。私
毫末奴隸。皆可致富。故亦不顧廉之。惟掌書記平倩。泉史憂。奏皆出其手。因以上賓。待平
先生。先生嘗語所知。言史雖不諳書。而遇文士。頗有禮。願見者。皆以好語慰。謂若輩。利我
財耳。既不當其意。復不假以顏色。是取怨也。人乃愈莫測其涯。漢投詩文為誓者。日數千。史
悉投巨篋中。署以為醋海。云平倩泉者。名泉。以母夢濯錦色泉而誕也。姜姿容好。詩書工。詩
古文辭。下筆妙天下。四方士。以才子稱者。咸曰是必平倩泉矣。史每言我視石崇。玉。懂如奴
子耳。泉則曰我豈不能以屈宋作衙官耶。然泉數奇。連不得志於有司。以是鬱鬱。又貧。故惟
文章自娛。史過之。嘗邀飲。泉既失意。亦樂借一杯。曰我豈癖於書哉。使心計。稱粗其肯當
。唱滑城乎。人以此說。惜泉之多才。不偶。而益慕史之富貴也。時史年已壯。珠從夫貴。亦封
蜀國夫人。夫人固知書工詩。作簪花小楷。尤妙。居禾中。才女名噪。威里。既歸史。乃不復作韻

語史多內寵而夫人待妾媵尤和弟夫人自有林下風雖富貴不屑道而史每矜之嘗以一冊示夫人計開珊瑚翡翠瑪瑙水晶象牙等器三千餘件龍腦香五十餘兩麝香百二十兩沉香各數十擔空青九枚明珠五十餘斛大理石屏五十座床几各百雜嵌寶床百七十珠燈千珍珠琴瑟樂器二百餘件辰砂五百觔紫礦千餘鎰白礦三千餘鎰赤金腰帶及杯盤等刻花者千七百件素者千三百有奇羊脂玉屏風及玉帶玉山玉琴玉人玉斗筆玉樹玉瓶二千五百餘件祖母綠佛像九通天犀帶三黑貂元狐銀鼠金雀等表合二三百件綺羅綾錦織金采緞合千餘束火浣布百餘尺黃金錠九十餘萬兩白金錠三千八百餘萬兩碎金銀八十櫃參香共九百餘觔理中丸亦四百觔厨中黃雀酢百二十甕他物俱稱是史每季必造一冊權出入課盈虛此新造者而夫人殊不為意曰以君為俗誠不誣妾奩中亦有積君欲觀乎史曰諾夫人逆知史所好惟此金玉錦繡也因不與較特取一雲錦迴文邊金絲細蘭白地光明絹手卷與史開卷則載古銅龍耳羊鼎獅象寶鴨等贖大小各數件蛇紋古琴十餘張古硯二十餘方鍾王懷素褚虞等墨蹟及小李將軍吳道子等清秘諸名畫各數十軸指錄經史子集書八千六百三十五卷史閱未半即笑不止曰夫人誤矣夫人合偶平情泉不合與田史字同貝者偶也夫人曰平情泉何如曰平先生酷嗜此我以為不可衣

會嘗目為駭。不謂堂堂蜀國夫人乃亦爾我故戲言耳。夫人微愠，繼亦笑，即捲卷呼侍婢，取內閣第十一房鑰至，則借史入，婢請所向，夫人曰：既入寶山，何地非寶？信手開一香奩，厨內有牙牌檢視之，所載若龍綃衣也、紫絳帳也、却塵褥也、辟寒屏、游仙枕、照病鏡也、占雨石、鳳首木、龍角釵也、靈光豆、上清珠、香玉辟邪七寶硯、鑊也、杯有自暖、鼎甞常燃、以及醒醉之草、瑞華之炭、迎涼之扇、煖玉之靴、凡諸珍異，光煥一室，其物各具種樓，靈異或能顛倒災、滄厨側懸珠屏風一，上刻仙山樓閣，古美女二十四，有碧芳緞，非玉非金，擊之自成仙音。屏上美人遂下屏歌舞也。史至是舌橋不能下，夫人乃笑曰：田舍人，我豈妄哉？今竟何如？史攝衣謝，乃不輟，自眩耀而史富貴名益藉藉人口。聞於天下。史有園內外各一，外曰延禧，花木秀擢，山水清雅，亭臺軒觀，位置亦妥帖，陳設雖富，猶不失之儷，以泉嘗安硯於中，時為史澗色史，又持以是娛賓客，故不措意其內，園曰：酒芳者，則窮極華美，為史晏游所有，水仙觀，凡五楹，楹三層，以沉檀為梁，椽金寶為戶，牖四周有池，砌以文石，池中青蓮花皆異品，冬夏不凋，香間數里，或飾鮫錦為鳧雁，每亂真，觀中織珠為簾，刻玉為几，下鋪錦茵，上罩繡帳，四壁雕香木，為花橋梯級二十四，以五色漆描花鳥人物，登最上層，可盡內外園勝觀，翠石為基，繪以紅欄，欄外跨九曲石橋二，蜿蜒如虹，兩岸植梅梨桃柳之屬，枝枝披拂，下繫木蘭小舟。

四其南有廳事五與觀相對時令女優演長生殿諸劇也周翼以十二院處姬人雖參差錯別而有曲廊通往來其於水仙觀若星之拱斗觀後羣房三十六處侍婢上有閣道東西通一遞迤可達外國一近蜀國正寢園尚有溫泉二其一乃坎埋硫磺為之史嘗與羣姬浴其中蜀故有野蠶繭亦可為衣史令人織成小方幅供後房厠紙歲亦費金鉅萬其奢侈類如此然史性特異雖好狗馬聲伎而鑿別往往出意外嘗得一馬雖驥要非絕塵物而史愛惜過常駒又以三千金購一姬樊姓小字瑩貌亦常人特善修飾睽光眇視多媚辭蕩態復解歌舞能為靡靡音實則後房之色如是者不數也而史獨寵之甚當田承嗣與薛嵩構難欲倚史為援也曾飽史名馬二曰神智驄曰如意駒皆起卓志在千里而史殊未之奇美女二曰春燕曰秋鴻吹氣勝蘭光艷如朝霞映雪雖夫人亦以為不及且通書史故夫人絕愛憐之賜春燕紅玉古杯一晉永和翡翠盤一秋鴻則漢五鳳年黃玉水注一蜀賓國銅龍苗一而史侍之殊落落不三年二姬繼殂其馬亦以駕鹽車過九折坂墜死人以是服史謂有先見獨夫人尤之曰君為節度軍府事重茲過雖細然脫顛倒人物盡如此即不為國計獨不為身家地乎史唯唯蓋史為人雖稍愎然能權輕重言有切於利害者不敢非也德宗建中三年冬十二月李希烈叛王武俊田悅等應之悅故史之宗也時有下舍客進曰

公且亦族矣猶洋洋如平時予與焉屏人問故客曰公弟以門蔭得官雖嘗納粟獻錢妻無大功於朝今藩鎮多事而宗人悅又稱魏王公即不登板蕩朝廷必且疑則殆矣又公所交元載輩皆已敗少覺提倘不乘時自結於天子公猶能以富貴自雄乎史心動入商於夫人夫人曰固也妾亦慮之矣曰將奈何曰是非妾所知也弟客既能為是言必有奇計然非多予之金恣其所使亦不能成事又平先生雖以文士自居其人實有經濟才君藩鎮庶此頗井井者平所佐也然則君弟如客教并屈平先生副之蔑不濟乎史意決乃先見平告之故出遂揖客而言曰客來前客能為是言誠奇人必能濟我事然意客必非赤手可為也吾已具金八十篋珠寶二囊任客所用吾當更請平先生副行客聞意若甚詭即大言曰孰謂而公碌碌哉遇大利害須臾決策微持慷慨乃爾其部署又若書定雖然其言殊不似公史不得已以夫人告客乃頓首言曰夫人知我故不為女留俟劫命趨東裝遂偕平先生疾挾多金馳去去後數月無耗明年朱泚據長安德宗奔奉天客益香然繼西平王李晟復官師諸逆或反正或授首朝廷方錄人過失初以天下亂史又承客指閉關自阻故蜀文報缺如是是始有所聞日惴惴貞元二年冬朝命忽下詔曰咨爾田史遠居蜀道時有厥誠值國家多難爾獨不憚馳驅四年中三詣闕廷除表獻金穀數百萬外復佐西平王軍夙夜殫瘁

成大熱如斯忠勤殆無以過使藩鎮盡如卿朕復何憂今特進爾爵為宏農郡王加太尉賜
鐵券食封萬六千戶班次於西平王妻米氏詔封宏農郡君長子芳尚瑞昌公主世襲公爵
次子蔭尚安昌公主兼神策行營節度長女瑜冊為皇太子正妃以明年來國用示朕賞功
酬庸之至意河山不改盟誓永新爾尚敬承朕命毋忽史受詔極錯愕而又不可問詔使去
史方令人作表謝忽報平先生偕客至史喜倒屣迎之各道故始悟皆二人所為初客挾多
金賈湖湘間不半年獲利甚鉅平先生則疾走京師為史書謁盧相杞獻金珠時朝廷果有
疑史者藉是得無恐客復求一說似田史者偕平先生教之禮容及史家世興元二年自賈
所假田旗幟印信輸粟六十萬斛賈行在并挾偽史覲王上喜溫諭慰遣乃悉餽朝士之居
要地者遠益為賈貞元二年秋偽史又入朝表獻錢二百萬緡征衣二十萬件平先生復為
疏陳時政得失又為書致考功郎陸贄贄深善之三年春客覘知逆勢已蹙則盡所有助上
勞軍平又為偽史表請赴李晟營自効贄贊之乃持詔史參李晟軍不數月復長安復佐討
李懷光亦平之寶皆平與客皆左右史也偽史者本無賴事既成多所要挾覲非分嘗醉後
妄言客恐平乃上表請歸藩得旨疾行至半途乃擒殺偽史其事故得終秘施有宏農王之
詔也史至是始大喜過望乃宴二人酒平且謝且拜曰微二君家已破矣何王之有今請與

二君為兄弟富貴共之客大笑挽史起。漉酒言曰公休矣。如公言亦大佳。願念千百萬金在手。脫欲富貴。盡自取。今事定論功。吾二人因應。受上賞。非君夫人贊成。信而不疑。則亦無能。而且吾二人處公門下。久公於僕。史未嘗有少恩乎。曰貴游何在。及事急。獨一書記與一下舍。客出奇。冒險為君立大功者。亦以世人多肉。眼欲令知貧賤中。固有奇士。又評承賢夫人。知故不敵。不効力耳。猶幸不奪命。自今伊始。如僕等者。願明公少如意。則幸矣。無以富貴為也。史聞大愧悔。乃不復有意氣。而客與平先生皆酣飲盡醉。史既肅客寢。即以客言入告夫人。夫人曰。信願有客如是。固非君所識也。且客將行矣。當盡心於平先生。先生有母。必不借及旦。史送客。客果遊平先生方徘徊間。史即前揖曰。客與先生皆人杰。史始識矣。客今雖去。幸先生留僕。即不敢以真土汚君。願君尚有母夫人在。欲安之。平憐然起。握史手曰。公言何。忽曲中如是。乃居賓館。如故。史敬禮亦益。主平饒其母。卒史為營葬。極厚。平乃舉一子託史。遂入青城山。不知所終。自是史安富尊榮者。又十年。適五十一初度。上賜予甚濫。并詔公卿欲為王壽者。皆許詣蜀川。史子女既與天子為姻家。尚有四子。其一亦為郡馬。一娶郭令公幼孫。一為西平王婿。三女皆配顯僚。是日。麟袍隊燦象笏。床盈麾下。將校皆錦衣。執戟門。建旗。旌堂羅鏜鼓。威儀之盛。無以復加。車馬之聲。百里不絕。及酒闌。史方秉燭檢閱諸屏軸。五采。

焜耀。思聲歌起。曰山川滿目。淚沾衣。富貴榮華。曾幾時。不見至今汾水上。年年惟有雁秋飛。此水調歌。李嶠作。明皇幸蜀時。歎為真才子。時適優人肆業。及之。史聞大不愜。乃贖憶。青城山道士言。間語夫人。夫人笑曰。君於此事。終無分第。領現在之富貴。可耳。後月餘。前道士忽至。容貌如舊。笑曰。祝壽來遲。幸勿罪。別來忽忽。近知君頗念我。大不易。史即叩問長生術。道士曰。晚矣。乃出丹丸五十顆。贈史曰。自此歲服一丸。丸盡。君亦百歲矣。人苦不自足。使人盡如君。神仙亦不足慕也。平先生與客。皆無恙。囑奇聲言訖。即不見。史自得丸。既富貴。又壽考。以功名終。子孫至孟蜀時。猶貴。其所居。因藏富久。椽椽為金銀。氣所蒸。皆作紺碧色云。

唐史臣曰。富貴之於人。甚矣哉。史承門陰。席米資。功業都假人手。初以金穀易。卸旋身。潤脂膏。如賈三倍。斯已奇矣。忽胙茅土。班儕郭李。下人主一等。是雖客之力。獨非史之福哉。而尤異其得賢夫人為內助也。世不乏王侯將相。要非安坐。可致茲。既盡富極貴矣。而又兼秦王漢武之所難。伏轡百年。則如史者。神仙且慕之矣。史復何慕哉。平先生輩。雖才然。非挾多金。亦難成事。因慨世之賢豪者。流縱飽詩書。既仁義而一。無憑藉。終將徒手呼。自益信。勢位富厚之不可忽也。有如此。雖然。史嘗言富貴自有知所成就。皆其本然。不能有二。掛凡富貴利達時至。乃來身士富。伏處時不貧。且賤。無以勵志。於以見二人之為史謀者。不過借以見

長而其不自取者非僅敵視之也。蓋直安於義命矣。客言賈賤中有奇士。洵然哉。洵然哉。兩蒼氏曰：是余十五年前舊稿也。自遭寇亂，匿藏諸墨，業皆蕩為冷風。輒為濛雨，此如死灰復燃矣。原稿尚有浙友洪君子安駢體序文，及同人題評，茲皆佚去。良可惜焉。至傳所由成，已得毛文序，悉持不意。區區篇牘，而若存若亡，忍離忍合，茲竟得登梨棗，莫莫於獲。將坑新，是雖緣有前定，或亦由金銀氣旺，藉致筆墨靈長耶。馬齒日增，約畧未敢附誌數言，倘深慨想云。

星墮地震

道光丙午，新秋後數日，夜將半，忽有大風驟起，勢如山崩地裂。時伯兄也山卧病，大姪女侍疾未寢，風起時，適以開牕傾水，的見紅光一團，其大如盞，赤氣四射，疾若飛星，自北而南，復有流星萬點，隨之以落，其聲如雷。地即大震，室中諸器盡皆傾覆。時聞人喊馬嘶，家家扶老攜幼，開門奔避，蓋慮屋宇之坍塌也。喧呶竟夜，天明始息，未知何祥。

藝餘

咸豐癸丑秋，港有會匪之亂，余挈眷出避，居離城三十里之華澄鎮。鎮有城隍神廟，前有三楹，上供關聖像，因偕同人登樓祈問，嘗得籤語云：花開花謝在春風，富貴窮通一夢中。聚衆

害金有盡日。到頭萬事總成空。時方孟冬。或云。花謝春風之窮。朱春似可復城。余謂城陷在秋。恐未盡花開之義。末有成空二字。殆言城空。春為歲首。或者復在春初耳。時吉中丞方調兵進勦。意此小醜。可指日殲。而逆眾抵死抗拒。相持至甲寅秋。猶然未下。吉公因會同西兵督飭民夫於城外。更築圍牆。以斷接濟。賊苦糧盡。乃乘隙夜兵勇無備。開城而遁。逆首劉麗川。為亂軍所殺。得賊陳阿林。林阿福。潘小鏡等。皆逸。官軍於乙卯元旦入城。始知花開花謝者。賊踞城一十八月。得度兩春也。第三句正言糧盡。末句正應元旦復城。籤語之驗。絲毫不爽。

又同治癸亥。余欲延嘉定孝廉童子佩曾蘭。課讀兒輩。議未定。時峯頭適有岳慶山獠牙牌數書。因姑卜之。數成得生老病死。人之常理。天高地曠。有窮期。人不虛生。斯可矣之句。初以語與事了不相涉。且余素慕孝廉品學。以故信而勿疑。不意開塾僅三日。先生竟以微疾卒於余家。始信數由前定。良非偶然。

聖治丸方論

夏令暑熱炎蒸。濕濁上騰。人在蒸淫熱地中。設或正氣不足。最易感病。胡南方地卑氣薄。更多中痧吐瀉之症。推其致病之原。或過於貪涼。風寒外受。或困於行路。暑濕相干。或口腹不

慎為冷膩所滯。或飲食不節。使輸化失宜。或感時行疫癘之邪。或觸穢惡不正之氣。皆能致脾土不運。陰陽反戾。升降失司。卒然腹痛。上下奔迫。四肢厥冷。吐瀉並作。津液頓亡。則宗筋失養。故足攣筋縮。先起兩腿。或見四肢名曰霍亂轉筋。生元瞬息。年來此症大行。我邑地窄人稠。互相傳染。甚有一家數人。而同時告斃者。深可畏也。茲故不揣鄙陋。爰擬一方。名曰聖治。入夏可預先備用。如遇疫癘時行。痧暑並觸。或感穢氣。或入病家。心懷疑慮。胸覺痞悶。時即以一丸入口。藉以解穢却邪。勿亂其氣。方用正號仙居野木燥切二兩。真川厚樸二兩。白檀香研細末一兩。降真香研細末一兩。新會皮鹽水炒二兩。以上五味。再同研為極細末。以麝香六兩煎濃湯。治丸如大黃豆大。每服二、三丸。細嚼和津嚥下。按木味甘能和脾。苦能燥濕。定中止嘔。扶正却邪。開胃氣以除積飲。故用以為君。樸苦平。能瀉實而化濕。平胃調中。消痰行水。兼治瀉痢嘔噎。陳皮為脾肺氣分之藥。能快膈導滯。宣通五臟。並可除寒散表。故用此二味為臣。檀香調脾利膈。正氣驅邪。降香能辟穢惡怪異之氣。故用為佐。使蒼香、麝清和芬芳之氣。為達脾肺之要藥。氣機通暢。則邪逆自定。故用為引。其曰聖治者。以聖人有治病治未病之旨。蓋思患預防。莫若服藥於未病之先。使輕者解散。而重者化輕。未必非却病養生之一助云。

童叔原曰。是方出而修合者頗多。服之有驗。樂似平易。而其詳審氣味。精悉功能。足稱盡善。固非泛然者所能企及也。

褚復生

邑志昔以藝術著者。如璩君瑕之畫。楊伯立之詩詞。陳悟泉之數學。董杏芬之仙術。皆挂人口。而褚復生士寶。又以拳勇稱。褚居西郭。家素封。自幼自膂力。好技擊。既長。游學四方。與畢昆陽武君卿為友。遂精槍法。橫矛飛赴。旋轉如風。名曰四平槍。數百人莫能近。福王南渡。以兵部員外郎何剛薦。授伏波營遊擊。未之官。而南都破。遂終老於家。其技不輕授人。得其傳者。惟王聖蕃。池天榮二人。池又傳於浙江提督喬照。同時邑有獨骨張擊者。虎頭版肋。力舉百鈞。橫行市廛。恆為商旅患。眾請褚除之。褚曰。試觀其技。於是眾商設席延張。褚亦赴。為酒再行。褚批以微語。張自誇其勇。酒酣起舞。據臂作格。拉勢。褚徐徐以著點其胸。曰。子盍坐而言乎。張遂坐。終席。然褚亦無語。頃之。張辭去。眾謂褚曰。渠傲睨若此。君何不交一手。褚曰。彼若稍遜。猶可活。惟以驕故。今必死於途矣。眾猶未信。次日。聞張死於亭橋。徧體色青如飯。乃共駭服。蓋褚運神功。中人要害處。則於三時之頃。傷即入骨。能致死耳。今城西隅有褚家墳。其子孫猶聚族居云。

兩蒼氏曰。請稍遊。猶可活。語知依仍自死。而非死於褚也。叙褚生神武處。亦臨藉得宜。

測字奇驗

自星卜相而外。又有拆字之術。昉於宋之謝石。亦能決禍福。斷榮枯。我港擅其能。而有驗者。乾嘉時。有沈衡章。問休咎者。趾相格。有犯越獄宵遁。捕役往問。拈得一鸚字。沈曰。鸚能言之禽也。舌慧而身不自藏。卒為人所羈繫。且烏而嬰羽毛未豐。其能遠逸乎。去此當近。遂捕可得。問往何方。沈瞥見雀跨後簷。曰。可往後面坑廁中覓之。如其言。果獲。邑侯神其技。給機測如神匾額。懸廟圍清芬堂之西。偏俗呼為董事廳者。蓋沈所安硯處也。咸豐庚申。西兵駐圍其額始毀。稍後。又有陸學海者。五六歲時。父把懷中。即能握管拆字。長遂以此為業。老而益精。有以求財問者。拈一也字。陸曰。無望也。地無土。難栽接。風竹池無水。難養龍。化魚天口如此。而十中八九。沈能頗偉。陸貌清癯。皆意致閒雅。無江湖習氣。陸亦設硯於廟之真君殿。惟書自矜。首日不逾百字耳。

兩蒼氏曰。星卜皆近數學。此亦卜之類。但其隨機應變。其言又自有條理。即謂之憑理不憑數也可。

夢應

聞郟中丞鳴鶴未遇時夢至一署如郟院內出一人乃同輩生某云在此聞掌祿藉鄒即沈
查祿壽某入良久出與片紙上書八字云官居四品洪水為災道光辛丑鄒守開封中牟決
口黃水灌城危在頃刻因舉前夢告人自恐不免竟獲無恙後任粵撫被劾罷官時粵逆犯
江南鄒公藉隸江蘇在江甯督辦團練城陷殉難奉旨照道員例贈卹始知四品乃道員洪
水者逆酋洪秀全也事皆前定豈不益信

雪兒

維揚諸生童韞華家貧授杖歲得館穀十餘金此常斷妻蘇氏以針黹佐升合年五十無子
僅生一女性極敏慧體致嫺逸生時天適大雪因名雪兒父母愛之如珍雪兒春夏依母習
刺繡秋冬從父讀書七歲背誦毛詩若流常於燈下為人寫佛經百頁字跡秀潤紙白如粉
墨光燦然終篇無一點錯父以韻語教之輒解嘗賦春草云萌芽初出帶朝烟恩受東皇轉
自憐記得枯根風雪裏不圖新綠有今年父見之曰此女必備歷艱苦而得晚成者道光初
江南饑斗米千錢童衣食常不給無何夫婦相繼卒雪兒號物不食鄰里憐其孝咸願措金
為之成殮雪兒許鴛身以償時適開封王伯凱孝廉客其地見而憫之贈以二十金既殮願
從為奴孝廉鑒其誠遂携以歸雪兒侍孝廉夫婦承順顏色間數年如一日王夫婦愛如己

出如以侍婢待也。王有妹塔姜南浦。設帳鄰邑。值中秋旋里。晨訪孝廉。入書室。檢得孝廉近
作古樂府數十篇。反復默誦。忽見窗外樹枝搖動。有人攀折庭桂。於上半帛窗中。瞥見臂瑩
如玉。因於窗隙窺之。見一十五六女郎。衣白羅點梅大袖衫。月藍湖縐斗紋百叠裙。丰姿醇
約。眉目如畫。因思舊家無閨秀。此女為誰。久之曰。是矣。聞伯凱曩客維揚。得一婢。才色雙絕。
必此是也。南浦歸。述所見於夫人。夫人曰。穴隙相窺。此豈端士之所為哉。南浦唯唯謝過。夫
人微笑曰。雖然。此女可人。我見猶憐。無怪君之不釋也。若得渠侍左右。亦大佳事。君欲之乎。
南浦欣然離座曰。不敢請耳。固所願也。奈無投符之術。何。夫人曰。兄嘗謂此兒。意由天悟。受
書過目能誦。作詩雖淺近。而能自在流出。及門諸子。竟無其匹。我已收為女弟子。他日當於
一聯佳句。中覓配不羨王謝門牆徐公雙璧也。兄言既如是。今當以詩為介。倘憐柳下之吟。
玉府當不惜一侍婢耳。乃代南浦作詩貽兄云。窗前草滿綠無垠。幸有圖書點綴新。修到蛾
眉稱弟子。不妨風味是清貧。名花雖艷不輕紅。宛轉吹噓仗化工。釀出人間好顏色。纔知珍
惜有春風。嫩枝猶在晚烟中。莫任飄零作斷蓬。恰喜海棠梅未聘。何當移向好。廉攬名場猶
待十年爭。紅袖添香願未成。詩婢鄭家如可贈也。持樽酒拜門生。王得詩。即以雪兒贈。後生
二子皆英俊。豹冠游庠。或謂一己登賢書云。此余昔聞之。梅紫軒少常者。近聞淮山棟華園。

主人閨秀詩評亦輯其詩惟春草一首集中另載而為香山童氏女作殆一而二者也
兩蒼氏曰欲於一聯詩中覓配命題本佳又難得彼姝工吟且肯為增捉刀是固良緣雅
事也妬妻者方謂何物南浦得坐享豐福如此而不知此即天所以報雪兒耳倘正室有
燕支虎唇雖得增悔庸有濟乎

燈市

我邑歲於三月二十三日為天后誕辰先期縣官出示沿街鳴鑼令居民懸燈結綵以祝前
後數日城外街市盛設燈綵自文東門外之大街直接南門暨小東門外之內小洋行街及
大湖南北綿亙數里高搭彩棚燈懸不斷店鋪爭奇賄勝陳設商彝周鼎秦鏡漢匱內外通
明遙望如銀山火樹蘭麝加備氣馥魏郁金吾不禁徹夜游行百里外舟楫咸集滿灘上下
泊舟萬計名班演劇百技雜陳笙歌之聲晝夜不歇十九二十日燈始齊至二十四五日止
二十八日又為城隍護海公懿德夫人誕辰城內街衢陳設一如城外二十五六起至四月
初止總計城廂內外凡閱半月而燈事始畢自道光辛丑海疆多故駐兵設防因罷燈市通
商後華夷雜處恐生事端遂以為禁云

兩蒼氏曰亂後文章感慨多拙句也生際承平一罹變故遂覺事無大小矢口皆有今昔

之嘍燈市其一端耳。

拐兒挖目

同治甲子春夏間。聞京都有匪徒。拐取小兒。挖其雙目。或言外國人所使。經駐京各國領事。照會總理衙門。飭捕拿獲匪徒十餘人。內五名。實係拐兒者。供稱取童子雙目。學外國人配。合照像藥。蓋西人圖山川樓閣及人小影。不用畫工。不需墨畫。以玻璃為屋。使一室明朗。架一木匣。用素紙塗藥。藏匣中。開鏡照之。頃刻立就。更潛以水。則所照之人物顯然。而不知所用何藥也。五犯訊明。即行正法。復據西人云。照像之藥。係屑金銀。及外洋地產之物合成。並無挖取人眼事。然適商以來。時有異聞。異見。勢不能究其實在耳。

孔仙受欺

聞都中有巨公某。喜奉孔仙。設休咎。方粵兵陷江甯時。某嘗叩問吉凶。孔有若問江南好消息。來人丁口自平安句。或謂須俟姓何人來。方可成功。某是時統兵大員。恰無何姓。後以向帥卒於軍。朝命兩江總督何桂清。提督和春。統辦軍務。咸以二人之姓。正應孔識。無不翹望捷音。迨賊破常州。何棄兵而逃。剛致蘇杭。繼陷。勢不可支。始以孔語為不足信。夫扶乩之說。皆假神仙之名。以惑人。凡閱休咎。必作隱語。愚人之深信者。即代為解說。或有一二語適合。

違相與神之。如此所言。蓋因廿年前之偽造妖言者。官編俚語成書。內即有人丁帶口取江句。或以書示余。余曾火之。不意孔轉信為實。然而借妖言以談休咎如此。嗟乎。孔之欺人者多矣。宜此次之為人所欺也。

尊稱

自尊與自賤相表裏者也。而其故皆緣於不知恥。蓋即一稱謂間。而世變可言矣。昔時鄉宦凡進士出身者。稱老爺。以一榜得官者。稱老爹。今老爹之稱。不聞已久。幼聞先君子言。前朝孫初陽先生。以萬曆壬子舉於鄉。官右僉都御史。巡撫登萊。居鄉時。值里有慶吊事。必徒步往。人咸呼孫老爹。或以老爺稱之。若有不安者。近日援納之例。大開腰纏數百金。從長安市歸。即乘輿張蓋。號稱老爺。得五六品。稱大老爺。或并不屑為此稱。因而多方處置。得三品銜。而竟稱大人。此皆驕心相勝之故。更有卑而近諛者。某宦以二品告歸。曾見一同姓具東。發輿書家大人。見者無不掩口。夫。非分之稱。僕隸之媚主。或然若士類從之。體統安在。余故於此。現世變也。

兩蒼氏曰。尊人之稱者。諛愛人之尊者。驕。究之能諛者。無不驕。易驕者。亦無不諛。地則異。而情自同。習俗相沿。遂成一媿阿世界。勢利心薰。廉恥道喪矣。

醒睡先生

客言漢濱有異人結廬榆山之麓食藜藿衣布帛雖盛夏不去冠服又好講因果事聽者咸集農工午倦者輒往遂呼為醒睡先生先生見村人有爭競者必出而為之解久之鄉里不爭事皆鳴之先生而不履公庭歲逢亢旱時見天有片雲先生必殷然下拜曰願天之拯萬民也或遇淫雨則禱以晴故肅立庭中衣履雖盡濕勿顧曰天罪我幸勿傷此田禾也一鄉之人以是咸稱其德而名遂遠矣有大吏慕之敬造其廬訊一州治狀則曰州守多有惡之者上惡其疎下惡其嚴同列惡其異也大吏頷之遂登薦牘又舉一令為問則言某聞其卧齊有額曰萬物靜觀亦可明其志矣蓋取康節詩作歇後語也大吏識之遂掛彈章嗚呼嘗聞世有三鋒不可犯謂文士筆鋒辯士舌鋒勇士劍鋒也若醒睡先生者固所稱隱君子也而談言微中有非辯士所能及人顧可以皮相乎哉謂有威德蚩蚩者誰曰不然

兩蒼氏曰讀結處數語覺作者筆鋒亦殊咄咄可畏

席某返魂

洞庭席某善心計賈淮徐間厯十餘年業頗裕共事者同里某也斷金之誼久而彌堅席有女許與某之仲子為室未婚而席以暴疾卒旅邸某為經理喪殮扶柩歸陳厯年帳籍記載

極詳細。人咸推其誠。席舉家亦感之。一日席女神色忽異。謂其母曰。某即良。以偽冊示汝。匿銀若干。汝固不知也。席母察其言。儼若故夫。乃泣而前曰。夫其魂返乎。曰。然。曰。君究以何疾亡。曰。偶患暑。為庸醫所殺耳。我歸已久。欲與汝一言。而無可憑者。因恨某以人死無據。欺汝孤寡。必欲與之理論。故假女體。亦不得已也。即令具紙筆。旋據案作書。邀某果其字蹟。某得書。駭甚。至其家。女正色曰。余與君情同膠漆。我死意必以孤寡累君。何骨肉未寒。而情同陌路耶。遂接冊逐一指示。自某項至某項。計多出若干。少納若干。因問。是何以故。時某愧甚。不能措一詞。女曰。我念舊好。不訴冥曹。亦不以為怨。倘此後再有私心。我能禍君。無貽後悔。今已證明。請君自便。某去。女曰。速取堂懸之符。覆我身上。如其言。頃又曰。此符無驗。奈何。可往某家。急借天師符來。遲則恐傷女命。當即借覆之。女遂寂然。繼如夢覺。此昔席心違為余言者。初甚詳。今皆忘其名耳。

兩蒼氏曰。既不訴投陰曹。又不責償陽世。而必證明其事者。可見錢財事小。心術見真。陰謀亦鬼所忌耳。更異借軀面詰。雖死猶生。使阮瞻見之。無鬼論可以不作。

石瑤

蜀郡石生。名瑤。弱冠游庠。丰神秀逸。以父母蚤世。自幼隨大母。依伯父履吉。吉嘗服楚。富有

金而艱於嗣。以故夫婦愛瑤勝已出。尋常不令出廬戶。時屆清明。隨一僕至墳園拜掃。焚帛既畢。散步村郊。去墓二三里。得一溪。溪西有小庵。桃花出短牆。色豔殊常。遂度平橋。繞溪百餘步。見庵門半啓。上懸硃額曰朝雲。入則惟一老僧跌坐。喃喃誦佛號。見客不疑。接庵雖小。而結構頗幽潔。庵後小圃。遍植絳桃。花發正繁。局圍籬籬。籬外清潭鏡澄。柳陰蔽日。生喜幽僻。近溪小立。瞥見隔溪茅舍中。板扉忽啟。一絕代女郎。款步而出。衣裝澹雅。隱入花叢。頃見手執梨花一枝。盈盈微笑。冉冉入門。人面花光相掩。映生不覺神搖意奪。凝立久之。未幾日暝。煙凝雙扉。恨鎖。方快快間。僕適尋踪至。遂相與返。生歸意戀殊切。思就蘭若下榻。冀得再覩芳顏。乃請於大母。遂假僧舍讀書。居旬餘。恰無所遇。因問僧。隔溪雙扉。常扁者誰氏。僧曰。甘姓。問家有何人。曰。夫婦力耕自給。聞近有寄居者。不知為誰。又問。過溪有徑否。曰。沿溪而西。有小橋可通。一日。生晨起。復至後院。遙望隔溪。有女背坐簷下浣衣。視之。正前所見麗人也。喜極竟忘顧忌。繞溪疾走。直達其廬。女聞履聲。瞠目回顧。無羞縮狀。生睨之。面麻髻禿。蠢然一物也。即欲返步。女曰。汝來此何事。生踟躕無詞。曰。宅上非甘姓耶。女曰。我家無姓。生曰。誤矣。急趨而出。不禁自笑。即題詩僧舍云。草色遙憐綠正肥。桃花門巷是耶非。等閒已識東風面。萬斛春愁付釣磯。遂辭僧而返。明春履吉。五十初度。戚黨咸集。生有姨母適秦氏。為

里中富室亦來拜祝。僕從如雲。至晚設席內堂。燈燭輝映。女客次第坐。生入內窺探。見秦背後立一侍婢。絕美。細視之。又似昔日折花女。始悟固有其人。前所晤者。殆非耳。更深客散。生潛身入謁。秦呼之入。旁坐叙話。生見女俛首側立。眸矚不轉。秦覺之。笑曰。甥好此女子。固有眼。婢本楚產。以父死。鬻身來我家。將三載矣。今年十四五耳。其性格體態。在侍婢中固不易得。然有一短。手揭其裙幅。示生曰。惜乎。底下蓮瓣如蕉葉耳。且有暗疾。衣葛時。臑臑勝。爾磨也。言罷掩口笑。生問。乃又悵然失望。未幾。川楚教匪作亂。官軍四集。徐逆就俘。先當履吉。販楚時。曾與徐族侄同夥。歸後亦通音問。至是以索餘黨。波及。庭鞠無可辯。獄成。吉坐逃配去。後生奉大母命往探。一日薄暮。行山谷中。無宿所。心惴惴。遙望林外。隱起炊煙。疾趨之。得一小村落。舍宇無多。咸依山麓。適見一媪汲水溪邊。生即進揖。以情告。願乞一席地。得免露宿。當有薄酬。媪曰。我家無男子。未便留客。生曰。亂山合沓。絕無行人。倘非老母垂憐。懼為虎狼所食。媪憐然視曰。郎君得非石家小秀才乎。生訝曰。是固然矣。不知老母何由相識。媪曰。老婦本楚人。昔以探親入川。流寓蜀郡鄉間。當郎君送學時。偶同二三村媪入城觀看。故識之耳。然素聞郎君席豐履厚。日惟閉戶讀書。未審何由至此。生曰。伯父為官事所涉。羈留遠地。故特親往探之。今早匆匆就道。不暇計程。以致迷竄。媪指臨水短扉曰。此即寒舍。憐君文

弱難忍霜威室有短榻可權假一宵耳。生喜隨入之。則小庭花砌斗室茅簷頗覺殊雅。將升堂。見一女子從複室出。雖荆布之飾而光豔射人。見生即翻身入。生以媼在不敢正視。略一斜睇。覺其體態容華。又宛似隔溪人也。坐未定。聞內媼聲喚母媼入。生竊聽之。語細不甚了。惟聞媼曰。秀才非暴客。留何害。少頃進晚餐。葵羹蔬味。食頗不惡。既畢。媼攜燈導生入左廂。匡牀布被。几椅悉備。生展謝不已。問老母上姓。尊府尚有何人。媼曰。我家姓巫。先夫謝世已五載。老婦無子。室惟息女。養殮出十指。漸以告客耳。語次。聞低聲喚茶。媼起。旋捧一小盃。出內置紫泥壺。及一小杯。生飲之。味甚甘芳。極口稱美。媼曰。此茶名壽春。暢月前芽。摘之兩前。誠為山中貴品。出隣家所惠。那以供客。生又起謝。媼曰。山村無更鼓。頃見月已西斜。即君明日長行。宜蚤寢。遂代掩扉而去。生於無意中得遇佳麗。又異其絕似意中人。反復凝思。不能成寐。天方曙。即啟扉。頃之。媼亦出。供沐進膳。意甚殷生。酬以金。堅却不受。曰。郎君去途尚遠。留以自便。後或有相見日也。生感謝辭去。越歲始抵戍。所時履吉。為披甲奴。蓬首垢面。見生泣曰。余不幸遭此奇禍。已拚難死。異鄉念石氏。惟汝一點血。牙身行巖谷。倘為虎狼食。宗祀絕矣。此地非汝久留。宜速歸。苦志詩書。若得成名。我死無恨。乃為乞諸土人。得附木商。而返。然自大訟後。門庭蕭落。生歸時。祖母已物故。室惟伯母。日夜哭泣。雙目失明。生設蒙學。

歲得數金。僅供饘粥。里有邵孝廉者。生同學友也。嘗謂生曰。君無兄弟。今年逾二十。猶未娶。非所以重宗祀。余為君籌之久矣。而苦無其偶。近聞隣有母女避兵來此。女美而賢。君其可意乎。生曰。度日尚愁不足。敢言娶室耶。邵曰。已為君訪明女操針黹。精功絕倫。日可得百錢。足自給。無待食於君也。請勿疑。生猶未應。邵曰。實告君。已代為納聘矣。月朔辰良。可灑掃室中。我當送新婦至。聊備喜筵為賀。更不煩闕下。邵辱也。生遂告知伯母。如期。邵擔酒登堂曰。新婦至矣。生曰。奈無衣冠何。邵曰。故人尚有絳袍。未知稱體否。即於袱中出衣一襲。催生速服。頃聞鼓樂聲。采輿已至。邵為主理。內外事禮畢。設席堂中。大惟劇飲。入暮辭去。生入見婦。則甚驚異。女曰。君識妾否。妾家即山中假宿處也。生曰。然則朝雲庵後隔溪茅舍中。折梨花入板扉者。非卿耶。女曰。曾有之。君何得見。生因述前事。并言所遇之屢。非至今未釋。女笑曰。是矣。君自見妾後。凡所遇者。妾之姊與妹也。妾同懷。姊妹三人。昔年從父入蜀。僑寓甘家。不幸父死。異鄉貧無以殮。遂鬻妹於秦氏。姊與妾同體。態頗類妾。因失愛於母。遂配甘家之養子。獨妾自幼讀書。解翰墨。最得母憐。又圖攜妾回里。不意故鄉遭亂。道路梗阻。因之暫避山中。嗣聞逆黨四竄。將次入山。乃又暫回郡城。前邵孝廉來議婚。母詢家世。悉為君故。遂欣諾耳。生聞始末。深嘆遇之奇。而緣之有前定也。生自得女為婦。雖處貧而益不改其樂。女勤事。

女紅舌耕指織漸得溫飽因遂迎養其母厥後履吉以遇赦得歸仍事負販卒成小康云
兩蒼氏曰是耶非耶神光不定一悞再錯絕妙疑團究之赤繩暗繫雖處天涯海角終有
歡聚時但月老如郎孝廉真撮合處尤宜買絲繡之鑄金事之家尸而戶祝之叙次亦乍
陰乍陽離奇盡致

吳行鎮

邑東皆有吳行鎮市肆繁盛吳氏聚族而居稱素封焉前明正德初有吳三錫者擅作威福
喜怒自恣鄉里側目無敢忤嘗佔曹姓隣田結訟後吳暮夜入金賂官逮曹轉急曹懼而遁
又株及親黨鎮人大不平陰為聯絡縱火焚吳居吳復鳴於上官當事率兵捕曹黨村人鳴
鼓聚眾以拒至傷武弁事聞於朝枉死者百人而其鎮亦因之遂滅今高行東有蔡家宅即
其址也

好奇售偽

今之收藏家癖好奇書古物而胸無卓識目炫何樓每出示人言且鑿鑿自矜博雅牟利之
輩遂不憚多方增飾即以其所矜者給之往往入其彀中而不覺焉亦可嗤矣南昌賈人錢
子明饒於資好藏古器嘗以巨鑑置案頭曰世有奇珍吾豈惜此或以弄鼎書畫來者則曰

此縱佳猶恠有物何取乎一日客携一古錦匣至內有物其形似齒而大如數長尺許色白微見青斑搖之內有聲云係其官家藏傳世既久子孫不知其名并不識其用惟承上世之囑以故寶藏至今聞君精於鑒古特假一觀冀有所示錢因笑置之越日有同好某來訪錢言及之某曰嘗觀異物志載員嶠山有冰蠶長七寸色黑有鱗角以霜雪覆之然後作繭繭長一尺織為文錦入水不濡投火不燬唐堯時海人獻之堯以為黼黻此其是乎若然真無價物也錢檢書閱之良是乃邀客欲破繭以驗客不可錢曰驗之若合願以千金為贈否則亦以數縑之值償之可乎客遂商於物主議既定乃破之內果蠶脂色純黑鱗角可辨入水不濡客曰今惟投諸火矣兩家其勿悔物主請置千金於前而後驗時某亦在座私謂錢曰今已試數端諒非偽物盡減厥值而不竟其驗乎錢然其說遂以半價得之既得視為至寶終亦不敢入火後洩其謀蓋同好者因其言誇故給之入水不濡者塗以白蠟也又隣邑富室詹某胥人子也或譏其不學乃出資市書不數年而東觀西園之富不是過矣惟是牙籤錦帙藉以飾觀曾未寓目同邑某羨書價之獲殊厚也乃於郡中覓得抄本書百卷以五十金得之冀售善價而詹竟不閱却其書某窘乃商於詹之戚全某全固稱通文墨為詹所信任者問某需價幾何曰得三百金足矣全曰然則當售八百金耳以四百金與我尚有百金

分給其司藉者。書當假我一觀。緩七日來取。某唯唯。及期。全令易一人將書去。并授其言。且曰。如我教。價可得矣。其書。唐本未闕。置而不疑。越日。全至唐處。翻閱諸本。檢得是書。伴說曰。此籍何來。唐曰。亦欲售者。全曰。索價幾何。曰。未之問也。全曰。速與議價。遲恐為識者所得。唐問是書何所奇。全曰。書成某代。素無刊板。世惟二部。一藏內府。一在民間。前朝某相國。懸萬金求之。不得。不意今入賈人之手。因於架上取四庫書目。檢示唐。果如所語。唐喜曰。余費金鉅萬。藏書雖充棟。恰愧無秘本。今始得矣。未幾。某往取書。唐問值。某曰。寧不諧矣。此書係那官家藏。為其子弟所竊。昨已有人踪跡至。急欲收歸。不能售也。唐曰。既不欲售。何來我家。余有例來書不售者。照書價罰其半。是書價幾何也。某乞免。唐斷不許。某曰。若此。勢必成訟。事將不可解矣。時全亦在旁。從容言曰。竊書者。諒不敢歸。今姑厚賂來人。但言無踪跡可耳。唐令某即往商價。固勿論。某再往返。始言非千金不可。全勸給八百金。而成。唐既得書。全曰。此官家物。若洩於人。必滋訟累。唐遂秘之。其謀固終不洩。聞四庫書目所載。全蓋陰抽其架上本指一書。嵌鈔本名。偽撰提要。仿原樣鐫頁。以易之耳。噫。是與冰蠶。誠何以異哉。

兩蒼氏曰。以偽市偽。絕妙應求。其間一寶異物。一好古書。同此謬稱賞鑒。初似唐勝於錢。然冰蠶作函。恰從何書本得來。唐惟以書飾觀。正恐求雅反俗。二者交譏。想見胸無點墨。

適為賈人胥人之肖子耳。又蓄書備觀鑒與收藏自是兩事。且其人必先博雅而後鑒核始精。并須有大力能購為閭海內當此者有幾。奈何噉名之輩。搜采未多。輒講板刻。浮慕汲古之名。總無開卷之益。原其初心。本與古玩同其誇耀。是即百城坐擁。適步詹氏後塵。然自制義盛行。今日之所謂髦士者。除講章外。幾於非此不觀。能攻帖詩律賦者。已稱妍雅。於是而線裝書本。幾成棄物。詹能不惜多金。購人所棄。雖慕虛名。而好如不好。猶愈於不知好。而好非當好者歟。

順天戊午科場案

咸豐戊午順天鄉試。以大學士柏後為主考。兵部尚書朱鳳標。署戶部右侍郎。左副都御史程庭桂為副考官。揭曉後物議沸騰。御史孟傳金彈奏中式舉人平齡。硃墨不符。請特行覆試。奉旨著載垣。端華。全慶。陳孚恩。悉心查勘。不准稍涉迴護。旋奉硃諭。以是科試卷。應訊辦查議者。竟有五十本之多。柏後著先行革職。朱鳳標。程庭桂。均著暫行解任。聽候王大臣等認真研鞠。從嚴懲辦等云。旋據載垣等奏。訊得科場一案。兵部主事李鶴齡。代刑部主事羅鴻輝。訂正關節。以條子送與同考官編修浦安。入閣後。浦安見卷內字眼。隨即批薦。并託柏後家人靳祥。稱伊房中血卷。監卷為血卷在中。五首謂之中。四只此一本。懇求中式。柏後聽從。將他卷撤換。

即以恭字十二號羅鴻繹卷補中。事後浦安得銀三百兩。李鶴齡亦得二百兩。又據平齡供稱係廂白旗包衣。曾在樂班唱戲。同考官編修鄒應麟以其卷有錯訛。疑係謄錄所悞。適隨帶硃墨。率為更正等語。至程庭桂接收關節一案。人證未齊。請暫緩擬結。柏俊等既經訊明。且與陳庭桂案無涉。應即先行擬結。當抄各犯供招送刑部按律定擬。旋准部覆。照例主試官及應試舉子。有交通囑託賄買關節等弊。問實斬決。浦安李鶴齡羅鴻繹應照交通囑託例擬斬立決。柏俊家人斬祥。及已革舉人平齡俱經在獄病故。應毋庸議。浦安等所受銀兩均應照追入官。惟柏俊一犯。僅聽囑託。不知關節。作何分別治罪。並無條例。應請交王大臣酌核辦理。迨載垣等奏。柏俊係一品大員。聽受囑託。輒將羅鴻繹取中。實屬咎由自取。仍請比照前例擬斬立決。其副考官解任戶部尚書朱鳳標。雖訊無情弊。而當柏俊補中試卷時。何以未詢撤換緣由。出場後。又不即行參奏。實屬違例。同考官翰林院編修鄒應麟。率改平齡試卷。亦屬違例。妄為請俱交部嚴議。至應行查辦之試卷十二本。當將房考各官。並該舉人韓宗文。亢懋庸。耿光裕。謝祖源。余汝楷。宋大繩。郭受昌。景灑。德生。九名。及現已出京。未經到案之舉人潘觀保。李汝廉。吳心鑑。三名。原勘或詩內失黏。或擡頭錯謄。暨洗改挖補。草率各情。應如何置議之處。謹抄錄原供。移咨禮部。查照科場條例。定擬具奏外。如監臨監試及

專司稽查。內外簾執事各官。並搜檢王大臣等。應行核議之處。俟將程庭桂案訊明後。再行咨部。分別辦理。咸豐九年二月十四日。皇上御勤政殿。召見惠親王綿愉。怡親王載垣。鄭親王端華。軍機大臣內務府大臣等。面諭大略。以科場為抡才大典。交通舞弊。定例甚嚴。相後身任大學士。在內廷行走有年。且係科甲進身。豈不知科場定例。竟以家人求請。輒敢撤換試卷。既有成憲可循。朕即不為已甚。遂照王大臣所擬。相後即行處斬。派肅順趙光。赴市曹監視行刑。天語尚有情。雖可原。法難寬宥。言念及此。不禁垂淚之諭。餘如浦安羅鴻繹李鶴齡。均照例斬決。以副考官朱鳳標。尚無知情情弊。從寬革職。那應麟亦即革職。永不叙用。并諭嗣後科場大典。秉文衡者。皆當潔己虛懷。杜絕干請。應試士子。亦各立品自愛。朕此次執法嚴懲。為士林維持風氣。爾在廷諸臣。當能默喻朕衷云云。迨王大臣等會審程庭桂收受關節事。據伊子。已革工部候補郎中程炳采。供出兵部尚書陳孚恩之子。候補員外郎陳景彥。曾交條子。又工部右侍郎潘曾瑩之子。庶吉士潘祖同。曾為其同鄉謝森煥。代送條子入闈等情。得旨陳景彥。潘祖同。著即革職。歸案辦理。陳孚恩。潘曾瑩。教子無方。均交部議處。此案關涉陳景彥之處。陳孚恩著照例迴避。餘仍秉公會訊。復據王大臣等。訊出前任刑部侍郎李清鳳。有送給程庭桂條子事。清鳳時已回籍。旋有步軍統領衙門。奉旨行文蘇省督撫。

取具確供由驛馳奏。及據李清鳳供詞稱於八月初二日。已奏請告病。其子李旦華與幕友王錦麟下場。並未中式。其如何賄通關節處。實不知情。並究伊子李旦華。果有圖買關節。送給程庭桂銀兩未收等情。當將伊子交出候訊。自請治罪。得旨李旦華假托父命。私送條子。并代同籍恩貢生王錦麒致送條子事。著即革職。由該督撫派員解京歸案。王錦麟尚未回籍。著步軍統領衙門查傳到案。一併訊辦。李清鳳著降一級調用。准其抵銷。王大臣等復督飭章京司員詳訊程炳采。據供伊父入關後。李旦華即遣家人送書一封。內有關節條二紙。一係李旦華。一係王錦麟。經程炳采收下。外有銀百兩。仍交來人帶回。後又有已革候選通判潘敦儼所送關節條子。已革翰林院庶吉士潘祖同。代工部候選郎中謝森墀送去。關節條子。均經程炳采收下。並伊家教讀之附貢生熊元培。亦寫給條子。後經家人黃太。遞進彭家書信一封。內附條子。有中四字樣。程炳采因彭係南官。誦讀今寫中四。知為假冒。即將條子撕毀。並未查係何人。但取來封。裝入熊元培條子。令家人胡升帶進。共四封。條子旦華。王錦麟。潘敦儼。熊元培。其潘祖同。代謝森墀所送條子。即行撕毀。並未帶進。胡升入場。將帶去之條。並交伊主程庭桂收關。接經王大臣等。家訊程庭桂。彭家有無關節。據稱實未看見。至兒子在家。接收條子。無從禁止。家人胡升。將封套送入。又無可拒絕。是時惟恐誤為取中。特

將條子收存。比提中卷核對。見無條內字樣。當即燒毀。但平日不能管教兒子。約東家人及見條子。又不即時舉發。實屬糊塗。辜負天恩。求皇上從重治罪等語。而程炳采所供彭家來信。係彭祖彝名。其將熊元培關節。裝入彭封。並囑胡升稱係彭送者。意圖混瞞伊父。及傳彭祖彝到案。據稱上年六月間。曾於程炳采處信取印結一紙。此後並無隻字。至黃太所供彭家送信之人。不知姓名。年約三十餘歲。初見門外拴着青驢一頭。及接信進內。復出看時。則人驢俱已無蹤。更質之熊元培。稱將關節條子確交程炳采。並無託彭轉送之事。於是王大臣等稟奏。據供各情。尚屬可信。而假冒彭姓之人。投書後即行。勢難追究。應即擬結。當抄各犯供招。咨送刑部。定擬罪名。旋准部覆。稱有已成未成之別。以案內現犯五副榜俱未中式。亦無挑取騰錄之人。並未侵占中額。程庭桂應照未成擬罪。於斬罪上減一等。擬杖一百。流三千里。仍從重發往新疆。効力贖罪。程炳采接收條子。傳遞入關。但未經中式。應於斬罪上減一等。擬流。加遣。該革員於伊父入場後。輒敢接送多條。情罪較重。然罪已至遣。無可復加。應從重發往新疆。充當苦差。遇赦不赦。李旦華等。或遞關節。或代致送。俱未中式。均減一等。擬杖一百。流三千里。王大臣等。以刑部所擬罪名。似與例意未合。復片刑部。查明例內。有無分別已成未成明文。嗣准刑部覆片。稱查定例。雖有無論已成未成語。原因例文簡括。不逐

條詳載。但引例辨案自應酌核案情。分別定擬。詳釋例意。考官之子。所以舞弊者。皆因中式起見。中式則照已成例定罪。未經中式。理應減等。旋載垣等。疎陳程庭桂身任考官。於關中收受關節。並不舉發。實屬贖狗容隱。臣等於例律雖未周知。然查科場舞弊。例禁甚嚴。原以科舉大典。為國樹人。不容絲毫情弊。是以特峻其法。以彰國憲。而禁場弊。程庭桂身係二品大員。乃於奉命掄才。輒敢收受關節。雖均未取中。而其徇情作弊。已可概見。若猶以未成論。恐於例意未協。臣等仍照交通賄買斷決。擬斬立決。可否稍從末減。出自皇上天恩。至程炳采。乃伊父入場後。竟公然接送關節。毫無顧忌。且該犯身非考官。一經接遞關節。即為已成。中與不中。權不在手。尤難以此區別罪名。程炳采擬斬立決。至李旦華等。臣等前曾面奉諭旨。著均加恩。免議死罪。仰見我皇上法外施仁之至意。但刑部所定李旦華等。擬流。按李旦華。王錦麟。謝森焯。俱屬職官。應從重發往新疆。効力贖罪。所擬熊元培。杖一百。流三千里。交順天府定地。到配後。折責安置。其潘敦儼。潘祖同。由律得容隱之親屬。詰出實情。與自首無異。擬於流罪上。再減一等。杖一百。徒三年。仍從重發往軍臺。効力贖罪。按該革員等。已蒙恩施格外。減免死罪。未便再行遞減。合與李旦華等。一律定擬。應將熊元培。潘敦儼。潘祖同。均發往新疆。効力贖罪。胡升。受僱服役。聽從程炳采。囑遞關節。雖無情弊。究屬知情。應於程炳

采新罪上的核遞減擬杖一百。徒三年。黃太李貴按送書信。不知內係條子。均免置議。李旦華之父。前任刑部侍郎李清鳳。潘祖同之父。工部侍郎潘曾瑩。均已奉旨交部議處。潘敦儼之父。降調湖南布政使潘鐸。雖將伊子誥出實情。呈送到案。均屬訓子無方。亦應請旨交部議處。其監臨監試。專司稽查。及內外廉執事各員。並搜檢王大臣等。有無應議之處。應請飭下禮部。按照科場條例。據實查明。由該部移咨吏部等衙門。分別議處。再兵部尚書陳孚恩之子陳景彥。曾逸關節條子。程炳采未送入場。旋據陳孚恩在寓嚴詰屬實。即將伊子解送歸案。查陳景彥雖未中式。既經囑託。亦屬交通。擬同李旦華等。均發往新疆。効力贖罪。伊父陳孚恩。已經奉旨交部議處。至臣等奉派審訊。擬結遲延。相應請旨議處。是日皇上御勤政殿。召見惠親王綿愉。怡親王載垣。鄭親王端華。兵部尚書陳孚恩。軍機大臣彭蘊章。穆蔭。匡源。文祥等。諭曰。上年順天鄉試。科場舞弊。經欽派王大臣審明定擬。二月間降旨。將柏俊等分別懲辦。並宣示在廷諸臣。俾咸知朕意。本日據載垣等奏。科場案內。審明已革大員。已革職員。定擬罪名。科場為抡才大典。考試官。及應試舉子。有交通囑託。賄買關節等弊。問實斬決。定例。纂嚴。不得以曾否取中。分別已成。未成。此案已革工部候補郎中程炳采。於伊父程庭桂入場後。竟公然接收關節。令家人胡升。轉遞入內。即係交通。囑託關節。情罪重大。豈以

已中未中。強為區別。程炳采著照該大臣所擬。即行處斬。已革二品頂戴。左副都御史程庭桂。身任考官。於伊子轉遞關節。並不舉發。是其有心蒙蔽。已可概見。雖所收條子。未經中式。而交通已成。確有實據。即立予斬決。已屬罪有應得。惟念伊子程炳采。已身罹大辟。情殊可憫。若將伊並置重典。父子概予駢首。朕心實有不忍。程庭桂著加恩。發往軍臺効力贖罪。此係朕法外施仁。並非從死罪遞減。亦非因其接收關節。未經中式。姑從末減也。至送關節之謝森墀等。應照科場專條。治以死罪。惟與業經正法之羅鴻輝等。尚屬有間。工部候補郎中謝森墀。恩貢生報捐國子監學正學錄王錦麟。著革職。熊元培著革去附貢生。與已革候補郎中李旦華。已革候補通判潘敦傑。已革翰林院庶吉士潘祖同。已革候補員外郎陳景彥。加恩免其死罪。著照所擬。均發往新疆効力贖罪。李旦華之父李清鳳。現在原籍病故。著該部查明。如李旦華家有次丁。著即起解。如無次丁。安葬伊父後。再行發遣。降調湖南布政使潘鐸。訓子無方。著交部議處。其應議之監臨監試。專司稽查。及內外廉執事各員。所司何事。應議之處。著禮部按照科場條例。據實查明。詳晰開列銜名具奏。戴垣等未能究出冒名之人。承審遲延。自請議處。戴垣。端華。全慶。陳孚恩。著交宗人府。吏部。照例議處。至科場律例。本有專條。刑部所擬程庭桂罪名。俱不在科例內。輒將向辦各案。以已成未成。比擬實屬不合。

業與王大臣等摺內詳細批示。若照硃批給予處分。該堂官等難當此重咎。著傳旨申飭。科場一案。前後所降諭旨。著即補入禮刑二部則例。永遠遵行。餘依議。欽此。旋宗人府、吏部遵議。潘鐸照失察子弟。貢緣犯法例。降一級調用。王大臣等審結遲延。均照督撫承審特旨案。件邊延例。均罰俸一年。奉旨依議。禮部奏應議監臨等各員。失察處分。監臨及內外簾監試。均降三級留任。內如御史尹耕雲、奎斌。復失察主考家人。向房官查換中卷。照例降三級調用。其貢院門搜檢碑門搜檢專司稽查。外場巡察各員。均擬罰俸一年以上。應得處分。雖係公罪。均不准抵銷。奉旨依議。先是順天鄉試卷冊。例由治中及糧馬通判辦理。定於初六日送院。不料遲至初七日。并多錯誤。監臨景廉、巡察碑門御史微麟等。奏參治中蔣大鏞、糧馬通判蕭鼎禧。承辦試卷遲延。名冊舛錯。得旨交部議處。而順天府丞提調蔣遠。於初十日。與監臨同新。意見不合。負氣出闕。奏參府尹梁同新。不令書吏預造執事各員名冊。致入闕後。草率分派。漫無稽查。甚有有其名而無其人者。又不令通判蕭鼎禧入場。而派即補知縣蕭履中、縣丞蕭瑞成等。盤踞場內之大所。又以典史吏目等官。把持碑門外總辦一切供應之小所。而大興縣賀廷鑾、宛平縣毛慶麟。於內外供給。任意偷減。致主考房官之煤米紙燭。全不敷用。刊刻題紙。亦不精選。發題後。紛紛以破爛之紙來換關防印文。或無其字。該府尹

袒護屬員。並不責問。臣舌敝唇焦。窮日夜呼應不靈。徒深焦急。致積熱積勞。迫成急症。不能
辦公。抱疾出闈。自請嚴議。旋奉上諭。有覽奏實堪詫異語。以府丞提調鄉闈。是其專責。意見
不合。原可專摺具奏。乃竟自稱患病。負氣出闈。實屬諛妄糊塗。將達即交部嚴議。至所參梁
同新等各情。則與監臨景廉。副都統戴鷺。監試志文等所奏。大致相同。欽派瑞常。會同戴鷺
寶馨。逐款查明。據實參奏。又以梁同新任用非人。以致諸務廢弛。有心狗庇。特先交部議處。
景廉既充監臨。亦難辭咎。并交部議。及瑞常等查明奏覆後。部議將達照溺職例。擬革職。梁
新同照狗庇例。擬降三級調用。工部右侍郎景廉。照防範不嚴例。擬降一級留任。若將大鑪
蕭鼎禧等。均議降調。可見事必有兆。是科弊竇。致釀大獄。紛紛者。已於此發端云。

兩蒼氏曰。科場舞弊。例甚甚嚴。恐礙寒賤進身也。此案發行於貴近。雖閣部大員。蹈此亦
不姑恕。微特□□治朝刑政清明。而乾綱一震。士氣皆伸。實足為鄉會維持風氣。想國家
鄭重抡才。重士如此。士猶可以不自重哉。

還山圖

婺源齊玉谿學裘梅麓太守長公子也。能詩善書。性樂閒適。不求仕進。視極短。窮曉之力。不
及尋丈。出入一小童扶掖之。以為常。道光戊申。曾來滬上。與余結文字交。一日偕之游豫園。

見石梁穹窿跨水上。因擬乘月夜游。謂其潭清鏡澄。境必勝於畫也。是晚適值月明如畫。漏三下。余將寢矣。忽聞扣門聲。啓視則齊子也。曰。見此月色。寢不成寐。能赴日間之約乎。余曰。可。遂與踏月北行。漫步至圓度平橋九曲。登溪西一山。四望月皓如銀。上下明淨。山巔有小亭。於此少憩。繼至石梁。見有數丐。偃卧欄邊。余曰。此非先得我心者乎。齊子大笑。遂與余並坐。誦所作舊游明月山詩。音韻琅琅。若出金石。及倦而歸。東方欲白矣。後雖返棹吳門。而郵筒不絕。詞以冠氛送警。音始杳如。同治丁卯。應敏齋觀察。招之復來申浦。唏噓相對。各叙闊衷。蓋已頽然老矣。未幾。即擬賦歸。乃出還山圖。小影索余題句。因賦七古一章云。新安之山嶮而竄。中有詩人玉谿老。玉谿生負瓊異才。天涯閱徧知音少。憶昔與君參翱翔。詩酒頻年旗鼓當。河梁分手幾廿載。雲停月落心茫茫。日斜鳥自憐飛倦。片帆小駐申江岸。展盡殷勤囑我題。請留別後相思券。乍慨中原竊却塵。何緣得見故園春。藍輿快舁還家客。猿鶴情親舊主人。幾輩京華長作客。梯雲願捧從軍檄。孰若園中自在身。山泉洗盡風塵色。星江之水清復清。波為鏡兮山為屏。自君之去我復嘆。故人落落如晨星。自念余交齊子。垂二十年中。為兵戈所阻。幾不相識。何幸河山無恙。舊雨重逢。是即手握須臾。殊覺歡逾平素。所難為懷者。會後重辭。正在此番賦別耳。昔與唱和之作。皆不能記。惟於余畫有嗜痴之癖。憶常為寫。

四圖各係以詩若詞其畫皆毀於亂慢錄題句以存爪痕題雲起樓云山光靄靄山峰青山
雲朵朵環山生先生有樓當其處名以雲起能移情捲簾朝向樓頭坐遙看雲影連山鎖習
靜還來樓上眠絮團入牖飛綿綿壓樓忽覺紗牖暗山雨欲來雲更亂晴旭時留屋角紅游
絲一縷飛長空陰晴變幻一彈指纔見雲沉又雲起浮沉聚散本無端世事從來類如此
最下老人歲月寬棄置軒冕樓山密長嘯一聲天地迥白雲留得此身安題碧梧書屋云平生
最畏熱炎歎無術馭美君書屋旁厯厯柱高梧清風灑然來涼意透羅襦濃蔭布花磚一碧
織塵無笑彼熱中人僕僕走道途人生貴適意名利安足圖先生無俗情抱膝居蓬壺題聽
雨舫調寄吳山青云意悠悠雨聲稠綠影涼添枕簟秋風過竹韻流冷颼颼下簾鉤碎滴芭
蕉聲未休深宵清更幽題春柳吟社調寄蝴蝶兒云惠風柔鳥聲幽煙凝細柳綠陰浮新詩
幾留社許集晴和候名流共唱酬掛帆我欲到蘇州邊邊春暮否右皆當時興到所作茲因
還山圖而類及之固無足述惟是歲月不居未免慨生今昔此在齊子當亦以為然者也

雨蒼氏曰詩情畫意尚可言傳惟此一片深情當於言外領味

海濱問字圖記

圖為學博章鐵珊先生作曰問字者蓋承亭之名也我邑文廟向在署縣東左右兩街為南

北通衢市肆稠密。咸豐癸丑。會匪之亂。為賊首劉麗川所踞。克復後。遂燬於火。董其事者。以
西城游府署基。四面環水。地勢雄秀。較勝舊趾。遂請於當事而遷焉。廟左即為學署。傍河別
築精舍數楹。建亭曰問字。曲廊旋繞。清流環映。對岸植梅百樹。春時花開。似雪。香氣襲人。梅
蕊既落。則楊柳垂隄。桃花沁水。望之。又儼如圖畫矣。時值蘇州章鐵珊孝廉安行。東鐸我邑。
講學之暇。時集諸名流。鷓咏其間。先生嘗謂余曰。冷宦廿年。所愜意者。惟此一段。光景。子盍
為我圖之。嗣以庚申辛酉間。金陵洪兵下窺。蘇常失陷。敵氛熾逼。泰西英法諸國。統兵協防。
航海來滬。假學宮以駐其兵。越四載始撤。則殿宇樹木。半為所毀矣。今雖鳩工重葺。正恐難
復舊觀。又值先生方擢任淮安。行且有日。因姑寫其大意。補作海濱問字圖。長卷歸之。并題
小詩三絕。其一。圖成錢別恨難愁。淮水湯湯不住流。聞道天風暫吹轉。海濱絳帳爭重留。生
時以大府咨留 二。腥羶盍掃講堂空。亭館重收補葺功。可惜梅花三百樹。更無纖影落池中。已連回學署

昔之感云

兩蒼氏曰。圖景世當不貳。特非冷宦廿年者。恰不知領略耳。今得是圖以傳。此景此情。或

不與水俱遊也

鷹武將軍

江西上饒縣之靈山。峰巒奇聳。為一方巨鎮。舊有鷹武將軍廟。考諸志。來神姓李氏。名德勝。河南沈邱人。唐德宗時進士。由吏部員外郎。出守信州。貞元六年。禱雨立應。民感其誠。建廟祀之。宋宣和間。王師討方臘。神以目鷹。白旗顯靈。乃賜廟額曰鷹武。紹興初。官軍攻永昌。不克。守令乞靈於神。奏封助靈將軍。明嘉靖間。大學士夏言。請賜號靈山鷹武將軍。至我朝。禱雨祈晴。迭昭靈應。乾隆乙亥丙子。猛虎為孽。知縣李文耀。齋戒致禱。虎即自斃。咸豐五年三月。粵匪洪秀全。分股陷信州。羅澤南馳援。賊見北山。白旗林立。倉皇出東門。一時火藥自燃。互相踐踏。官軍乘勢兜擊。光復城池。六年八月。賊由下流來犯。知府事者。沈公葆貞也。時防兵外挫。郡城已空。忽大雨如注。獲得饒廷選督兵。順流下擊。雖獲勝而兵力未足。不敢輕進。以賊營中。猛聞群鷹飛鳴。遂相驚遁。十一年八月。忠王李秀成。乘大霧疾逼郡城。忽見白旗。現空。賊遽披靡。似此化險為安。皆賴神力。經現任江西巡撫沈公葆貞。恭摺奏請。勅加封號。以答神庥。夫神於前代有功。得享廟祀。今又屢昭顯應。力保危城。功德在民。固宜春秋昭報云。

對山書屋墨餘錄卷一終